



# შირაკი

## SHIRAKI

www.open.ge

გამოქვეყნდა 1937 წლიდან

დაქვეყნდა საქართველოს მთავრობის დასავლეთი

№24 (9.689)

4-11 ივლისი 2015 წელი

ფასი: 50 თეთრი

ყოველკვირული გამოცემა

## წელსაც ვებრძვით კალიებს



სოფლის მეურნეობის სამინისტროს სურსათის ეროვნული სააგენტოს სპეციალისტები კახეთის რეგიონში განსაკუთრებით საშიში მავნებლის - ენიტალიური კალიის წინააღმდეგ ბრძოლის მასშტაბურ ღონისძიებებს ახორციელებენ.

წამლობის სამუშაოების მიმდინარეობას სოფლის მეურნეობის მინისტრი ოთარ დანელია, სურსათის ეროვნული სააგენტოს უფროსი ზაზა დოლიძე და კახეთის რეგიონის გუბერნატორი ირაკლი შილაშვილი დაესწრნენ.

კალიის წინააღმდეგ წამლობას სპეციალისტები როგორც სამანქანო დანადგარებით, ასევე ავიაციის მეშვეობით ახორციელებენ. ამ დროისთვის დედოფლისწყაროს, სიღნაღის, ახმეტის, გურჯაანის, საგარეჯოს მუნიციპალიტეტებში 14 500 ჰექტარია წამლით დამუშავებული (მათ შორის 1500 ჰექტარი ავიაციის გამოყენებით). გამომდინარე იქიდან, რომ ამ ეტაპზე მავნებლის აქტივობა პიკს აღწევს, ღონისძიებები მაქსიმალური ინტენსივობით მიმდინარეობს. იტალიური კალიის წინააღმდეგ ქიმიური წამლობა კახეთში 26 მაისიდან დაიწყო.

წამლობის ღონისძიებები 2015 წლის მიზნობრივი პროგრამის ფარგლებში მიმდინარეობს. სააგენტო საკარანტინო და განსაკუთრებით საშიში მავნებლების წინააღმდეგ წამლობას ქიმიური და ბიოლოგიური პრეპარატების გამოყენებით ყოველწლიურად ახორციელებს.

## ქართული ცხვარი კონკურენციას მაღალი ფასით აგებს

### „საქართველოში წელიწადში 300 ათას ტონაზე მეტი იპარსება, აქედან დიდი ნაწილი ადგილობრივ ნადგურდება“

„მატყლის გაყიდვა-ექსპორტი ბოლო წლებში კატასტროფულად შემცირდა. ნაქებ ქართულ ცხვარს რთული პერიოდი დაუდგა. დღეს ქართული ცხვრის ყველაზე დიდი საექსპორტო ბაზარი ისევ მეზობელი აზერბაიჯანია. თუმცა ბოლო წლებში ექსპორტმა აქაც დაიკლო“, - ამბობს მეცხვარეთა ასოციაციის ხელმძღვანელი ბექა გონაშვილი. მისი თქმით, ამ დარგის ერთ-ერთი შემაფერხებელი ფაქტორი მაღალი გადასახადებია. ამას ემატება საქართველოში შემოყვანილი სომხური ცხვარი, რომელიც ექსპორტზე ქართული ცხვრის სახელით გაჰყავთ.

„ეს რომ სახელმწიფოს გვერდის ავლით არ ხდება, დიდი მიხვედრა არ სჭირდება. ამ საკითხს მე და თქვენ ვერ მივხვდებით, ძალიან უწყებები უნდა ჩაერიონ. სომხური ცხვრის ხარისხი ბევრად დაბალია, ვიდრე ჩვენი. თუმცა კონკურენციას ვერ ვუნნებთ, რადგან იაფი ღირს. მეიდეველს კი ხარისხი ნაკლებად აინტერესებს“, - ამბობს ბექა გონაშვილი.

პრობლემებს უჩივიან მეცხვარეებიც: „საძოვრები ფასიანი გახადეს, ფარაში სულ 500 სული ცხვარი მყავს, მაგრამ შენახვა ძალიან ძვირი ჯდება. ალბათ, გაყიდვა მომიწევს. საძოვრის დაქირავებაც გაძვირდა, 1 ჰექტარი, სულ მცირე,

15 ლარია, ამას დაუმატეთ ცხვრის გამოკვება, ვეტერინარული შემონეშვა, მწყემსის ანაზღაურება, რომელიც 600-1.000 ლარამდე მიწდება. 1 ცხვრის შენახვას საშუალოდ 100-120 ლარი სჭირდება, ამიტომ არ მიღირს. სახელმწიფომაც მოგვიძულა, მგონი, დაავინყდათ, რომ საქართველოში ცხვარი არსებობს. თუ ასე გაგრძელდება, ბევრი გაყიდის ფარას და მერე ვიყუთ სხვისი ხელების შემყურე“, - წუხს მეცხვარე გიორგი.

მეცხვარეების თქმით, ფერმაში ცხვრის ფასი 150-180 ლარს შორის მერყეობს, ექსპორტის შემთხვევაში კი ეს თანხა 30-40 ლარით იზრდება. „ცხვარს წონის მიხედვით არ ყიდნიან, თვა-

ლით აფასებენ. შეიძლება 100-120 ლარადაც იყიდოთ, ცხვარს გააჩნია. ვისაც ექსპორტზე გაჰყავს, ხარჯიც მეტი აქვს და ცხვრის ფასიც ამიტომ იზრდება. საძოვრები გააძვირეს, გადასახადები მაღალია, დოლარის კურსი ზევით მიიწევს და რა გასაკვირია, რომ ცხვრის ფასმაც მოიმატა“, - ამბობს მეცხვარე.

სტატისტიკის თანახმად, ცხვრის ექსპორტი 2009 წელს გაიზარდა. საექსპორტო ქვეყნების ჩამონათვალში იყვენ ირანი, აზერბაიჯანი, თურქეთი, ლიბანი, კატარი, არაბთა გაერთიანებული საამიროები. სპეციალისტების თქმით, ამგვარი დაინტერესება ქართული ცხვრის გამორჩეულმა გემომ,

სიიარაღი და ტრანსპორტირების მცირე ხარჯებმა განაპირობა. მეცხვარეების თქმით, დღეს საექსპორტო ცხვრის ფასი 120-დან 140 დოლარამდე მერყეობს.

თუმცა, ქართული ცხვრის გაძვირებას გაყიდვის პრობლემა მოჰყვა. ამჟამად ქართული ცხვარი ექსპორტზე მხოლოდ აზერბაიჯანსა და ირანში გადის. აქედან აზერბაიჯანი იწარჩუნებს ჯერჯერობით ქართული ცხვრის სტაბილური საექსპორტო ბაზრის სტატუსს.

მეცხვარეთა ასოციაციის ინფორმაციით, ბოლო ორი წელია, რაც მკვეთრად შემცირდა ცხვრის ექსპორტი ირანში. „ირანს დაახლოებით 50 მილიონი სული (გაგრძელება გვ.3)

**ვაშლოვანის დაცულ ტერიტორიაზე ველურ გუნებაში ქურციკი დაიბადა**

გვ.2

**ა.წ. „საითოფ-გოშის“ განვადებით შაჰანა ნებაბიური საბანკო ინსპექციის მძღონე პირებსაც შეაქვიათ**

გვ.2

**ფრაგმენტები ერთი ქალის ცხოვრებიდან...**

გვ.5

**ოთხი ოქროს და ხუთი პერსხლის მედალი**

გვ.2



# ზრემიერი - საჯარო სამსახურში რეგულაციური რეფორმა გატარდება

„წინა ხელისუფლების დროს, ადამიანთა დანინაურება ხდებოდა მხოლოდ პოლიტიკური და არა პროფესიული ნიშნით. ხშირ შემთხვევაში ადამიანებს სამსახურიდან პოლიტიკური ნიშნით ათავისუფლებდნენ. ეს ერთხელ და სამუდამოდ უნდა დავასრულოთ და შექმნათ პროფესიული საჯარო სამსახური“, - ამის შესახებ პრემიერ - მინისტრმა ირაკლი ლარიაშვილმა განაცხადა.

ირაკლი ლარიაშვილის თქმით, საჯარო სამსახურის რეფორმა „ქართული ოცნების“ წინასაარჩევნო დაპირება იყო და ბოლომდე მივა.

„ეს იყო ჩვენი წინასაარჩევნო დანაპირები, რომ შევქმნიდით პროფესიულ საჯარო სამსახურს, რომელიც იქნებოდა კარიერაზე და წინსვლაზე დაფუძნებული. ეს არის ერთ-ერთი ყველაზე მნიშვნელოვანი რეფორმა, რაც ჩვენი მთავრობის პირობებში დაინციო და მივა ბოლომდე. მოგესხებოდა, ეს იყო სერიოზული გამოწვევა ახალგაზრდა დემოკრატიებისთვის. ეს არის ერთ-ერთი მთავარი მოთხოვნა ევროკავშირის და ვიზალიზირებული პროცესში. ჩვენ მას ვადაზე ადრე დავასრულეთ. კანონპროექტი გაიგზავნება პარლამენტში და მივიღებთ ამ კანონს, რომელიც იქნება უპრეცედენტო, მე ვიტყვით რეგულაციური, რადგან ერთხელ და სამუდამოდ მოწესრიგდება მთელი სისტემა, ჩამოყალიბდება პროფესიული, ევროპული, თანამედროვე საჯარო სამსახური“, - განაცხადა ირაკლი ლარიაშვილმა.

საჯარო სამსახურის რეფორმის შესახებ ანონს-პროექტს მინისტრთა კაბინეტი დღეს განიხილავს და ის პარლამენტს განსახილველად უახლოეს მომავალში გადაეგზავნება.

# ვაშლოვანის დაცულ ტერიტორიებზე ველურ ბუნებაში ქურციკი დაიბადა

ვაშლოვანის დაცულ ტერიტორიებზე ველურ ბუნებაში ქურციკი დაიბადა. დაცული ტერიტორიების ადმინისტრაციის ინფორმაციით, ბოლო სამი წლის მონიტორინგის განმავლობაში პირველად მოხერხდა ქურციკების გამრავლების დამადასტურებელი ფოტოების გადაღება.

თავდაპირველად, მკვლევარებმა შენიშნეს მდედრი ქურციკი, რომელიც ერთ ადგილს არ სცილდებოდა, რითაც დასტურდებოდა პატარა ლიკლიკას არსებობა, მაგრამ მდედრი პატარასთან არ მიდიოდა. მკვლევარებმა დისტანცია გაზარდეს 500 მეტრამდე და შედეგად მაც არ დააყოვნა მდედრი პატარას მიუახლოვდა ისიც ნამოხტა და დედასთან ერთად გააგრძელა მოძრაობა. სწორედ ეს ფაქტი აღიბეჭდა ფოტოებზე.

დაცული ტერიტორიების სააგენტოს ცნობით, ქურციკის აღდგენა დღეისათვის საქართველოს გარემოს დამცველების ერთ-ერთი უმთავრესი საზრუნავია. ივრის ზეგანზე ეკოსისტემების გაჯანსაღება ამ ცხოველის გარეშე შეუძლებელია.

ქურციკი 33 კილოგრამს აღწევს. გავრცელებულია მცირე აზიის, ამიერკავკასიის, შუა აზიის, ყაზახეთისა და ცენტრალური აზიის უდაბნოებსა და ნახევარუდაბნოებში. წარსულში საქართველოს ფარგლებში ქურციკი გვხვდებოდა მცირე რაოდენობით შირაქის ველის აღმოსავლეთ ნაწილში, საკმაოდ ბევრი იყო გარდაბნისა და სამგორის ველებზე, სადაც უწესრიგო ნადირობის შედეგად განყდა. 1,5 წლისა უკვე ზრდასრულია. მკვირ-თხე 5-5,5 თვეს გრძელდება. აპრილ-მაისში შობს ერთ თხე ორ თიკანს. ძირითადად ბალახეულით იკვებება.

# ოთხი ოქროს და ხუთი ვერცხლის მედალი

დედოფლისწყაროელ კიკბოქსინგელთა წარმატებით დასრულდა ტრადიციული საერთაშორისო ჩემპიონატი კიკბოქსინგში „შავი ზღვის თასი“ რომელიც 26-27-28 ივნისს ქ. ბათუმში. შეჯიბრის ორგანიზატორი აჭარის კიკბოქსინგის ფედერაცია და საქართველოს ტაბოქსის და კიკბოქსინგის ფედერაციაა. წლებიდან ჩემპიონატი მსოფლიოს კიკბოქსინგის ორგანიზაციების პატრონაჟით ჩატარდა (ჭაფშ).

როგორც მწვრთნელმა თამაზ ყარაგვიშვილმა განუცხადა „შირაქს“ გასუცხად, დედოფლისწყაროს კიკბოქსინგის გუნდი „ჩემპიონის“ ათი სპორტსმენიდან 9 ფინალისტი და პირველ-მეორე ადგილზე იბრძოდა. საერთაშორისო ტურნირი „შავი ზღვის თასი 2015“-ის ჩემპიონები გახდნენ და ოქროს მედლები მოიპოვეს: ლაშა ლეკაშვილმა, ვალერი ვაჭრიძემ, შალვა ხოსიტაშვილმა და ნოდარ ცხოვრებაძემ.

მეორე ადგილი და ვერცხლის მედლები მოიპოვეს: თორნიკე ლეკაშვილმა, ლევან ნიკლაურმა, გიორგი ნიკლაურმა, ნოდარ ფიროსმანაშვილმა და ალექსანდრე ცხოვრებაძემ. „შავი ზღვის თასი“ — უფროს ასაკის სპორტსმენებში დედოფლისწყარომ დასაყუთა. მედლების საერთო რაოდენობით სხვადასხვა ასაკში ყაზახეთის მრავალრიცხოვანმა გუნდმა ყველაზე აჯობა და პირველმა მოიპოვა.

ტრადიციული ტურნირის „შავი ზღვის თასი“ წელს უკვე ყაზახეთი და თურქმენეთიც შეუერთდნენ. მრავალრიცხოვანი გუნდებით წარსდგა აზერბაიჯანი და სომხეთი ასევე საქართველოს რეგიონები. მონაწილეთა საერთო რაოდენობამ 225 სპორტსმენს მიაღწია.

შეჯიბრი მიმდინარეობდა უმცროს და უფროსი ასაკის კატეგორიებში. დაძაბულად წარმართა შეჯიბრის მსვლელობა, რინგზე ერთმანეთს ტოლს არ უდებდნენ სხვადასხვა ქვეყნის რჩეული სპორტსმენები, საერთაშორისო კლასის არბიტრებსაც უჭირდათ ხშირად გამარჯვებულის გამოვლენა მცირე ქულათა სხვაობის გამო.

„მინდა მადლობა ვუთხრა ჩემი გუნდის სპორტსმენებს, ბიჭებს შეჯიბრზე გამორჩენილი ვაჟკაცობისთვის ყველა იმ თვისებების წარმოჩენისთვის რინგზე, რის გამოც დარბაზიც და მსაჯთა კოლეგაც მოხიბლული და აღტაცებული დარჩა. ბათუმის „ყინულის სასახლეში“ გამართულ საერთაშორისო ტურნირზე ფინალის ორთაბრძოლებზე დედოფლისწყაროელ ბიჭებს მთელი დარბაზი ამხნევებდა ემოციური შეძახილებით ყაზახს, სომეხს, თუ აზერბაიჯანელ სპორტსმენებთან შერკინებისას. მინდოდა მთელი რაიონი იქ ყოფილიყო“ — აღნიშნა მწვრთნელმა თამაზ ყარაგვიშვილმა.

ვალერი ვაჭრიძე: „ამ ბრძოლისთვის დიდი ხნის განმავლობაში ვემზადებოდი. აზერბაიჯანელ სპორტსმენს დაუპირისპირდი და უნდა ვთქვა, რომ საკმაოდ ძლიერი მეტოქე შემხვდა. რთული იყო, თუმცა პირველივე რაუნდში ნოკაუტით დავამთავრე ეს შეხვედრა. დიდი მადლობა მინდა ვუთხრა ჩვენს მწვრთნელს, თამაზ ყარაგვიშვილს, მისი დამსახურებით ამ შედეგის მიღწევა არ გამჭირვებია“.

ლაშა ლეკაშვილი: „უკვე მესამედ ნავედი ბათუმში, „შავი ზღვის თასზე“ და სამივეჯერ ჩემპიონი გახედი. გულწრფელად გითხრათ, არ გამჭირვებია ბრძოლა და წარმატებების მიღწევა, რადგან კარგად ვიყავი მომზადებული. მოვიწოდებ და კარგი შედეგიც ვაჩვენებ“.

„მართლაც განსაკუთრებით ლაშაზი ორთაბრძოლები ჩატარდა ლაშა ლეკაშვილმა სომეხ და ყაზახ კიკბოქსინგელებთან. ჩემპიონის ტიტული მოიპოვა და მთელ გუნდს დაგვანახა, როგორი ღირსეული ცვლა იზრდება. დრამატულად დაძაბული ფინალური შეხვედრა გაიმართა ლევან ნიკლაურსა და ყაზახ მსოფლიო ჩემპიონს შორის. მართლაც ძლიერი მეტოქე ჰყავდა ლევანის. საოცრად ვაჟკაციური ორთაბრძოლა წარმართა, სამწუხაროდ, მესამე რაუნდში ცხვირის ტრავმაც დაემატა და ლევანის მარცხით დასრულდა, მაგრამ მაყურებელი აღტაცებული დარჩა ნანახით. სასიხარულოა, რომ რინგს დაუბრუნდნენ და აღნიშნულ შეჯიბრზე მონაწილეობას იღებდნენ ნოდარ ფიროსმანაშვილი, ნოდარ და ალექო ცხოვრებაძეები. მართლაც განსაკუთრებულიად ლაშაზი იყო მათ მიერ შექმნილი საბრძოლო ეპიზოდები და ვირტუოზუ-

ლად შესრულებული ტექნიკური ილეთები. ნოდარ ფიროსმანაშვილი ეფექტური დარტყმების უბადლო ოსტატია და ბათუმის რინგზეც გამოჩნდა მისი ნაშრომი. ამდენი წლის გაცდენის შემდეგ რამდენიმე თვეა ვარჯიშობს და შედეგს სახეზეა.

დრამატულად დაძაბული და ლაშაზი ორთაბრძოლები ჩატარეს გიორგი ნიკლაურმა, შალვა ხოსიტაშვილმა, ალექო ცხოვრებაძემ მათ ქართული დროშა ამაყად ააფრიალეს უცხოელ სპორტსმენებზე გამარჯვებით. ასევე ნოკაუტი დაასრულა ფინალური შეხვედრა აზერბაიჯანელ სპორტსმენთან მსოფლიო ჩემპიონმა ვალერი ვაჭრიძემ.

გულშემატკივარი მოუთმენლად ელოდა ჩვენი გუნდის საუკეთესო მებრძოლს ნოდარ ცხოვრებაძისა და ევროპის ჩემპიონი კიკბოქსინგელის გამოსვლას. ნოდარი მთელი საქართველოსთვის ცნობილი სატელევიზიო პროექტით „კიკ-ბოქსინგი კ-1“ რომელიც წინა წლებში პირველ არხზე გადიოდა და ნოდარი ამ პროექტის გამარჯვებული და ჩემპიონია 75 კგ კატეგორიაში. ორთაბრძოლის დაწყებიდან მეორე რაუნდში ნოდარი ზუსტი შემხვედრი დარტყმით ნოკაუტში აგზავნის აზერბაიჯანელ ევროპის ჩემპიონს და მთელი დარბაზი მხურვალე ტამით ეგებება მის გამარჯვებას,“ - იხსენებს თამაზ ყარაგვიშვილი.

ასე დასრულდა წლებიდანელი ტრადიციული ბათუმის სპორტული ფორუმი კიკბოქსინგში. სპორტსმენები მადლობას უხდებიან დედოფლისწყაროს სპორტის ცენტრს მხარში დგომისთვის და დაფინანსებისთვის.

ილია მარტყოფლიძე

# ქართული მთის ძროხის სარძეო პროდუქტიულობის შესწავლა დაიწყო

„ქართული მთის ძროხის“ სარძეო პროდუქტიულობის საშუალო მაჩვენებლის დადგენის მიზნით, სოფლის მეურნეობის სამეცნიერო კვლევითი ცენტრი აღნიშნული ჯიშის პოპულაციისა და აღდგენის პროექტზე მუშაობს. დეპარტამენტი ექსპედიციური კვლევის პარალელურად, ქართული მთის ძროხის ზოოტექნიკურ შესწავლას ფერმერული მეურნეობის პირობებში ახორციელებს.

ამ მიზნით, თიანეთის რაიონში წინასწარ შერჩეულ ფერმერთან გაფორმდა მემორანდუმი, ჩამოყალიბდა საცდელი ფურების ჯგუფი და დაიგეგმა ჩასატარებელი ღონისძიებები.

„საცდელი ფურების სარძეო პროდუქტიულობის შესწავლის მიზნით, დეპარტამენტის სპეციალისტები იმყოფებოდნენ თიანეთში - არტოს საზაფხულო საძოვრებზე, სადაც ჩატარდა ფურების საკონტროლო ნვლა, რძის ინდივიდუალურ ნიმუშებს ჩაუტარდა მიკრობიოლოგიური და ქიმიური ანალიზი და განისაზღვრა მათი ქიმიური შემადგენლობები, (ცხიმი, ცილა, ლაქტოზა, მშრალი, მინერალური ნივთიერება და სხვა მაჩვენებლები)“, - განაცხადეს სოფლის მეურნეობის სამეცნიერო კვლევითი ცენტრში.

„ქართული მთის ძროხის“ სარძეო პროდუქტიულობის შესწავლა დაახლოებით 7-8 თვის განმავლობაში განხორციელდება.

# სალაროებში სუპერ თასის ბილეთების გაყიდვა მოხდება ეველა სტანდარტის დაცვით - barcamania.ge

საქართველოს ფეხბურთის ფედერაციაში, ფედერაციის პრეზიდენტ ზვიად სიჭინავასა და საფეხბურთო კლუბ „ბარსელონას“ ქართული ფან-კლუბის ვებგვერდ barcamania.ge-ს ადმინისტრაციას შორის შეხვედრა გაიმართა, რომლის დროსაც ევროპის სუპერ თასის ბილეთების გაყიდვასთან დაკავშირებული საკითხები განიხილეს.

შეხვედრის დროს ზვიად სიჭინავამ განაცხადა, რომ სალაროებში ბილეთების გაყიდვა მოხდება ყველა სტანდარტის დაცვით და რაც მთავარია, გამჭვირვალად მუშაობის შემდეგ: ადგილზე იქნება ბიოტელოგები, პოლიცია, სასწრაფო დახმარების მანქანა, სამედიცინო პუნქტი, რიგს კონტროლს გაუწევენ სტიუარდები, ხოლო ბილეთების გაყიდვის პროცესს ეყოლება დამკვირვებლები. დამკვირვებლებსა და რიგში მყოფ პირებს საშუალება ექნებათ დარწმუნდნენ, რომ 22 ათასი ბილეთი სრულად გაიყიდება სალაროებში.

რაც შეეხება ბილეთების გაყიდვის დროს - ფედერაციაში განმარტეს, რომ ისინი გაყიდვას დაიწყებენ მას შემდეგ, რაც გეგმაში განვირილი ყველა დეტალის გამართულად მუშაობის გარანტია ექნებათ. ცნობილია, რომ გაყიდვა მომდევნო კვირის პირველ დღეებში არ დაიწყება. ფედერაცია გულშემატკივრებს გაყიდვის თარიღს მინიმუმ 2 დღით ადრე ამცნობს. ამის მიზეზი ისაა, რომ რეგიონებში მცხოვრები პირები არ დაინაჯონ და მათ ბილეთის საყიდლად თბილისში ჩამოსვლა მოასწრონ.

# ე.წ. „სეთ-თოფ-ბოქსის“ განვადებით შეძენა ნეგატიური საბანკო ისტორიის მქონე პირებსაც შეეძლება

ციფრულ მაუწყებლობაზე გადასვლისთვის საჭირო მონაცემების, ე.წ. „სეთ-თოფ-ბოქსის“ განვადების შეძენა ნეგატიური საბანკო ისტორიის მქონე პირებსაც შეეძლება, - ამის შესახებ ეკონომიკის მინისტრის მოადგილე, ნათია მიქელაძესთან ერთობლივად გამართულ პრესკონფერენციაზე ბანკების ასოციაციის პრეზიდენტმა, ზურაბ გვასალიამ განაცხადა.

მისივე განმარტებით, განვადებით სარგებლობა ასევე შეეძლება ნებისმიერ მოქალაქეს, განურჩევლად ასაკისა.

„ე.წ. „სეთ-თოფ-ბოქს“ განვადებით გაცემს ყველა ის ბანკი, რომლის საბანკო პროდუქტშიც შედის განვადების სერვისი და ის განხორციელდება საქართველოს მთელ ტერიტორიაზე, მაქსიმალურად შელავათიანი პირობებით. ასევე ოპერატიულად მოხდება თავად საბანკო ოპერაციის გაფორმება. ასე რომ, მოსახლეობის იმ ნაწილს, ვისაც მონყობლობის განვადებით შეძენა სურს, ამის არავითარი პრობლემა არ ექნება — განვადებით სარგებლობა შეუძლია ნებისმიერ მოქალაქეს, განურჩევლად ასაკისა. მეტიც, ეს შეუძლია იმ პირებსაც კი, რომლებიც შესაძლოა კრედიტორთა სიაში ირიცხებოდნენ, ანუ ჰქონდეთ ნეგატიური საბანკო ისტორია, თუკი ვალი ამჟამად არ უფიქსირდება“, - აღნიშნა ზურაბ გვასალიამ.

„ციფრულ მაუწყებლობაზე გადასვლისთვის საჭირო მონაცემების - ე.წ. „სეთ-თოფ-ბოქსის“ შეძენა განვადებითაც იქნება შესაძლებელი“, - ამის შესახებ დღეს გამართულ პრესკონფერენციაზე საქართველოს ეკონომიკისა და მდგრადი განვითარების მინისტრის მოადგილე, ნათია მიქელაძემ განაცხადა.

მისივე განმარტებით, ე.წ. „სეთ-თოფ-ბოქსის“ განვადებით შეძენა შელავათიანი პირობებით და საქართველოში მოქმედ ყველა იმ ბანკში იქნება შესაძლებელი, რომელთაც განვადების სერვისი აქვთ.





# შირაქის ველსა და მიწათმოქმედებს გაუმართლათ

სოფლის მეურნეობის მინისტრი ოთარ დანელია და კახეთის გუბერნატორი ირაკლი შიოლაშვილი დედოფლისწყაროში, შირაქის ველზე ხორბლის მოსავლის აღების პროცესს დაესწრნენ.

წელს საქართველოში ხორბლისა და ქერის რეკორდული მოსავალია, რასაც, ხელი კლიმატურ პირობებთან ერთად, სწორად შერჩეული სათესლე მასალისა და თანამედროვე ტექნოლოგიების გამოყენებამ შეუწყო.

კახეთის რეგიონში ხორბლის ნათესი ფართობი 35 ათას ჰექტრამდეა. წინასწარი მონაცემებით, წელს 118 404 ტონა ხორბალს ელოდებიან.

ჯამში წელს საქართველოში ხორბლის მოსავალი 166 ათას ტონაზე მეტი იქნება.

მოების ხელშეწყობის მიმართულებით, რათა მომავალი წელი კიდევ უფრო უხვმოსავლიანი იყოს.

სამინისტროს მხარდაჭერით მარცვლეული კულტურების ჯიშთა გამოცდის პროექტი ხორციელდება, რაც ქვეყანაში დარაიონებული და გამოცდილი ჯიშების გავრცელებას უზრუნველყოფს. შირაქის ველზე, 17 ჰექტარზე ფერმერ გიორგი თეთრაშვილს ახალი გერმანული ჯიშის ხორბალი ჰქონდა დათესილი. ფერმერმა წელს ჰექტარზე 5 ტონამდე მოსავალი აიღო, რაც წინა წელთან შედარებით თითქმის სამჯერ მეტია.

ალოობაზე სოფლის მეურნეობის სამინისტროს შპს მექანიზატორის 30 ერთეულამდე კომბაინი მუშაობს. „მექანიზატორის“ თავი



შირაქისა და ტარიბანის ველებზე ქერის საშუალო მოსავლიანობა 1 ჰექტარზე 4-დან 7 ტონამდე მერყეობს. ფერმერთა განცხადებით, წელს 1 ჰექტარზე 7 ტონა და 400 კილოგრამი ქერი მოიშკა.

მინისტრის განცხადებით, სამინისტრო აქტიურად მუშაობს მარცვლეული კულტურების წარ-

მამედროვე და მაღალი ხარისხის ტექნიკა მოსავლის უდანაკარგოდ აღებას უზრუნველყოფს.

სოფლის მეურნეობის მინისტრთან ერთად შირაქის ველზე მინისტრის მოადგილეები იური ნოზაძე და დავით გალგაშვილი და შპს „მექანიზატორის“ გენერალური დირექტორი ზვიად ჩხაიძე იმყოფებოდნენ.

# იანვარ-ივნისის პერიოდში საქართველოდან 33 ქვეყანაში 13 706 653 ზოთლი ღვინოა ექსპორტირებული

ღვინის ეროვნული სააგენტოს მონაცემებით, 2015 წლის იანვარ-ივნისის პერიოდში საქართველოდან მსოფლიოს 33 ქვეყანაში ექსპორტირებულია 13 165 653 ბოთლი (0,75 ლ) ღვინო, რაც თანხობრივად 39 425 552 აშშ დოლარს შეადგენს.

სააგენტოს ინფორმაციით, წლის განვლილ პერიოდთან შედარებით, ყველაზე მაღალი ექსპორტი - 3 251 246 ბოთლი ივნისში დაფიქსირდა. „შედარებისთვის: იანვარში ექსპორტირებული იყო - 1 343 018, თებერვალში - 1 558 631, მარტში - 2 198 535, აპრილში - 2 878 656, მაისში - 2 476 567 ბოთლი“, - აცხადებენ სააგენტოში.

მათივე განმარტებით, საანგარიშო პერიოდის მონაცემებით, ექსპორტის მატება ისეთ სტრატეგიულად მნიშვნელოვან ბაზრებზე, როგორებიცაა ჩინეთი - 23%, იაპონია - 21%, ლატვია - 20%, ესტონეთი - 16%, გერმანია - 5%, აშშ - 28%, კანადა - 159%, აშშ - 61%, ყაზახეთი - 6%, დიდი ბრიტანეთი - 33%, ჰონგ-კონგი - 230% და სხვა. ექსპორტიორი ქვეყნების პირველი ხუთეული ასეთია: რუსეთი - 6 555 183, ყაზახეთი - 2 275 722, უკრაინა - 1 257 918, პოლონეთი - 796 076, ჩინეთი - 759 969 ბოთლი.

„ყველაზე დიდი რაოდენობით ექსპორტირებულია ადგილობრივი ღვინოები: „ქინძმარაული“ (ნითელი ნახევრადტკბილი) — 1 960 717, „მუკუნანი“ (ნითელი მშრალი) — 637 643 და „წინანდალი“ (თეთრი მშრალი) — 432 128 ბოთლი. არასტაბილური პოლიტიკურ-ეკონომიკური მო-



ვლენების გამო, 2 უმსხვილეს ექსპორტიორ ქვეყანაში - რუსეთს (-63%) და უკრაინაში (-60%) ექსპორტის მკვეთრმა კლებამ, გავლენა იქონია 6 თვის ექსპორტის სტატისტიკაზე, რომელიც 2014 წლის ანალოგიურ პერიოდთან შედარებით 49%-ითაა შემცირებული. იანვარში კლების მაჩვენებელი იყო - 87%, თებერვლის მონაცემებით - 71%, მარტის - 67%, აპრილის - 58%, მაისის - 54%. ასევე აღსანიშნავია, რომ იანვარში ღვინის ექსპორტი სულ 1 6 ქვეყანაში განხორციელდა, პირველი კვარტლის მონაცემებით - 25, ხოლო ივნისისთვის 33 ქვეყანაში.

ხაზგასასმელია, რომ 2015 წლის 6 თვის ექსპორტის მაჩვენებელი (13 706 653 ბოთლი) აღემატება გასული წლების ანალოგიურ მაჩვენებლებს, 2014 წლის გამონაკლისით. მაგალითისთვის: 2012 წელს ექსპორტირებული იყო 9 105

787 და 2013 წ. — 11 354 671 ბოთლი ღვინო. კლება არის 2014 წელთან შედარებით (26 872 145 ბოთლი), რაც განპირობებულია მრავალწლიანი ემბარგოს გაუქმების შემდეგ, 2014 წელს რუსეთის ბაზარზე ღვინის ექსპორტის ბუმისა და პიკური მაჩვენებლით. ამასთან ერთად, საანგარიშო პერიოდში 15 ქვეყანაში ექსპორტირებულია 2 523 161 ბოთლი (0,5 ლ) ბრენდი, რაც თანხაში 7 073 805 აშშ დოლარს აღწევს. მსოფლიოს 17 ქვეყანაში ექსპორტირებულია ასევე 57 402 ბოთლი (0,5 ლ) ბოთლი ჭაჭა, - განმარტავენ სააგენტოში.

ოფიციალური ინფორმაციით, მთლიანობაში ღვინის, ბრენდის, ჭაჭის, ღვინომასალის, ჩამოსასხმელი ბრენდისა და საბრენდე სპირტის ექსპორტის შედეგად მიღებულმა შემოსავლებმა წლის პირველ ნახევარში 58,3 მლნ აშშ დოლარს მიაღწია.

# ქართული ცხვარი კონკურენციას მაღალი ფასით აგებს „საქართველოში წელიწადში 300 ათას ტონამდე მატყლი იპარსება.აქედან დიდი ნაწილი ადგილობრივ ნადგურდება“

(პირველი გვერდიდან)

ჰყავს, მაგრამ მოთხოვნა დიდი აქვს და ამიტომ ცხვარი იმპორტირებად შეჰყავთ. შარშან ირანთან დიდი დანტერესება არ ყოფილა. იმედია, წლეულს მოთხოვნა შედარებით გაიზრდება, - ამბობს ბექა გონაშვილი.

მისივე თქმით, ხშირად მეცხვარე, რომელიც საძოვრებს ქირაობს, ხარჯების შესამცირებლად 1 ჰექტარზე დასაშვებ ნორმაზე გაცილებით მეტ ცხვარს უყრის თავს. „მართალია, ხარჯებს ამცირებენ, მაგრამ მწვანე საფარი ნადგურდება, ეროზია ჩნდება და ეს გაუდაბნოებად იმით ხდება. რამდენი წელიწადია ამ პრობლემების მოსაგვარებლად ვიბრძვით, მაგრამ ამაოდ, ჯერ შედეგი არ ჩანს“, - ამბობს გონაშვილი.

საქართველოში ცხვრის დიდი წილი თუშურ ცხვარზე მოდის. თუშური ცხვარი უძველესი ქართული ჯიშია. არსებული ცნობების თანახმად, XIII-XIV საუკუნეებში ხალხური სელექციით ჩამოყალიბდა. თუშური ცხვარი უხეშმატყლიანია, თუმცა ხორცის საუკეთესო გემოთი გამოირჩეული.

მეცხვარეების თქმით, მა-

ტყლი 1 კილოგრამი 50-60 თეთრი ლირს. თუმცა ტრანსპორტირების ხარჯი იმდენად მაღალია, რომ მეცხვარეებს გაყიდვა არ უღირთ და მატყლს ანადგურებენ.

„ჩვენი მატყლი დაბალი ხარისხისაა, უხეში. ამიტომ მასზე მოთხოვნაც დაბალია. კომუნისტების დროს სახელმწიფო ყიდულობდა და შინელებს კერავდა. ჩვენთან წელიწადში 300 ათას ტონამდე მატყლი იპარსება, აქედან დიდი ნაწილი ადგილზევე ნადგურდება. დაახლოებით 1 000 ტონა რჩება, ერთი ნაწილი შიდა მოხმარებისთვის გამოიყენება, მცირე ნაწილი კი ექსპორტზე გადის“, - დასძენს გონაშვილი.

როგორც სურსათის ეროვნულ სააგენტოში განაცხადეს, ის ცხვრის ექსპორტისთვის საჭირო სერტიფიკატს გასცემს, სადაც ცხვრის წარმოშობის შესახებ ინფორმაცია ივსება წარმოშობის სერტიფიკატის საფუძველზე. ამ სერტიფიკატს კი, საქართველოს კანონმდებლობის შესაბამისად, სხვადასხვა ორგანო გასცემს. 1-ლი ივლისიდან ძალაში შედის ცხოველთა იდენტიფიკაციის წესი, რომლის მიხედვით, ამა თუ იმ ცხოველის

(ცხვარი, მსხვილფეხა საქონელი) შესახებ არსებული ინფორმაცია, მათ შორის, წარმოშობის შესახებ, თავს მოიყრის ერთიან ელექტრონულ სისტემაში. სწორედ ამ რეესტრის მიხედვით გასცემენ საექსპორტო სერტი-

ფიკატს. „საქსტატის“ ინფორმაციით, 2013 წელს საქართველოდან ცხვრის ექსპორტი 10%-ით შემცირდა. 2014 წელს 15,547 მლნ დოლარის ღირებულების ცხვრის ექსპორტი განხორციელ-

და, ხოლო 2012 წელს კი 18,156 მლნ დოლარის ღირებულებისა. 2013 წელს ყველაზე დიდი რაოდენობით - 13,622 მლნ დოლარის ღირებულების 171 719 სული ცხვარი ექსპორტზე აზერბაიჯანში გავიდა.





# ყველაზე დიდი მაღლი

დედოფლისყაროს სამლოცველო სახლში, სადაც ენევა, ღვთისმსახურებას მამა პეტრე უკვე ხუთი წელია, ახალგაზრდა გოგონები გალობენ. სამლოცველო სახლში, სადაც წლები რუსი ბებები გალობდნენ, სკოლის მოსწავლე გოგონებმა ჩანაცვლეს. აღარ დავიწყებთ მის მტკიცებას, რომ იმ საქმეს, რასაც ისინი ემსახურებიან ეკლესიაში, ძალიან საპასუხისმგებლოა ეს სათნო და ყველასთვის მისაბაძი გოგონები ჩვენთვის ყველასთვის კარგად ცნობილი სახეები-ანა, მარიამ, ლიკა ლოლაშვილები, სოფიო მენთეშაშვილი და ქეთევან ჩაფიაშვილი არიან. წელს ამ გოგონებიდან სამი მათგანი აბიტურიენტი და უტყუარია, მათ ეროვნული გამოცდების შემდეგ, სექტემბრიდან დედაქალაქში მოუწევთ ცხოვრება. იმდენად მოხიბლული ვარ ამ გოგონების მიერ უკვე განუთლი საღვთო შრომით, რომ არ მინდა, ისინი ჩემი ყურადღების გარეშე გავუშვა დედოფლისყაროდან. ამიტომ, ერთ-ერთი წირვის შემდეგ, სამლოცველო სახლის მგალობლებთან ინტერვიუ ჩავინერე.

## გოგონებო, რას ნიშნავს თქვენთვის, იდგეთ ტაძარში და გალობდეთ?

-ეს, რა თქმა უნდა, დიდი პასუხისმგებლობაა, იმიტომ რომ, ჩვენ სახე ვართ ეკლესიის ცხოვრების და ყველა ჩვენი ნაბიჯი გაცნობიერებულია, როგორც მგალობლის. მეუფემ გვითხრა ერთხელ, რომ ყველაზე დიდი მადლი მღვდლის შემდეგ გადმოდის მგალობლებზე და ეს ძალიან გავიხარდა, ამიტომაც ბევრად მეტს გვავალბებს ის საქმე, რასაც ტაძარში ვემსახურებით, ვიდრე, რაიმე სხვა.

-იქნებ გვითხრათ, თავდაპირველად როგორ დაიწყეთ, როგორ მოხდა, რომ მგალობლები გახდით?

-მეუფე მელქისედეკის კურთხევა გვაქვს, თავიდან მუსიკალურ სკოლაში ვოკალის პედაგოგი მარიკა პირზადოვა ამზადებდა ბავშვებს და ჩვენც გადავწყვიტეთ, მის გაკვეთილებზე გველო. რადგან მუსიკალური სკოლიდან მისი მოსწავლეები ვართ, სიამოვნებით დავდიოდით ამ მეცადინეობებზე. ბოლოს, ეს მცდელობა სერიოზულ საქმედ გადაგვექცა, ვსწავლობდით და თან სოფლებ-

ყავით, ძალიან ლამაზი დღე იყო, ყველას ორმაგი სიხარული გვეუფლებოდა იმ დილას, პირველი იმიტომ, რომ აღდგომა იყო, მეორე იმიტომ, რომ სამლოცველო სახლში წირვა-ლოცვა განახლდა.

- ადრე ასე იყო, წარჩინებული მოსწავლეები იყვნენ ახალგაზრდების იდეალები, მერე კარგად ჩაცმული გოგონები მოხვდნენ ყურადღების ცენტრში, იყო პერიოდი, ძალიან თამამი, თავპირიანი და ლალი გოგონები გახდნენ თვალსაჩინონი, ამჯერად თქვენ ხართ რაიონში ყველაზე მისაბაძი გოგონები, რომლებიც კარგადაც სწავლობთ, საზოგადოებრივ საქმიანობაშიც აქტიურები ხართ და, ამავე დროს, ეკლესიურად და თავმდაბლად ცხოვრობთ. რა შეიცვალა, იგრძნობა თუ არა საზოგადოების განსაკუთრებული დამოკიდებულება თქვენდამი, როგორც მგალობელი გოგონებისადმი?

- ის შეიცვალა, რომ საზოგადოებაში რწმენა გაღრმავდა, ყველაფრის საწყისი უფალია და ისიც, რაც ხდება, უფლის ნებაა. განსაკუთრებულ მოპყრობას ნამდვილად ვგრძნობთ, ყველა გვეპყრობა თბილად, მამა პეტრე საკუთარი შვილისგან არ გვანსხვავებს, საზოგადოების ყველა ფენიდან ვგრძნობთ კეთილგანწყობას და ერთიც, ყველა ისევე პატივს გვცემს და ერთიც, ყველა ისევე პატივს გვცემს და ერთდროულად სასიამოვნოცაა და დისკომფორტულიც. არადა, თითქოს ავიწყდებათ, რომ უკვე გავიზარდეთ.

## რა მადლი ტრიალებს აქ, ტაძარში რას გრძნობთ, როგორია თქვენი ემოცია აქ ყოფნისას?

- მამაოს ბევრჯერ უთქვამს, აქ იმხელა მადლი ტრიალებს, თქვენ რომ ხილულად ხედავდით, აქედან გასვლა აღარ მოგიწევიათ, აქ რომ არ მოვიდეთ, რა თქმა უნდა, საპატიო მიზეზის გამო, იმ კვირას თითქოს წარმატებული კვირა არ გვაქვს, იმ კვირაში თითქოს ყველაფერი უკუღმა მიგვდის და ხშირად მივანერეთ, ტაძარში რომ არ ვიყავით იმ კვირაში, ამიტომ მოგვევლინა განსაცდელი. როცა აქ მოვდივართ, ისეთი დიდი მადლით ვივსებით, რომ აუცილებლად წარმატებული კვირა გვაქვს.

## თქვენგან სამნი მიდინარეობს სასწავლებლად თბილისში, ცხადია, აქ წირვა-ლოცვას ვეღარ დაესწრებთ და ვერც იგალობებთ. რას ნიშნავს ეს თქვენთვის?

- მამა პეტრე ხშირად გვეტყვის ხოლმე, ვინც არ უნდა გახდეთ, ეს კერა, ეს სამლოცველო იქნება ყოველთვის თქვენი საწყისი, ყველაზე სანუკუარი, ყველაზე ძვირფასი და



ში საგალობლად დავდიოდით, გვახსოვს, პირველად ზემო მაჩხაანის წმინდა გიორგის ტაძარში ვიგალობეთ, მერე, როცა განახლდა ეს ტაძარი, მეუფემ გვაკურთხა ამ სახლის მგალობლებად და ასე დავიწყეთ.

## გაიხსენოთ ყველაზე დასამახსოვრებელი ქადაგება?

- სამწუხაროდ, ჩვენ ყველაზე ცუდი ღამე გვახსოვს, როცა ეს სამლოცველო სახლი დაინვა და მამამ იქადაგა. ის ღამე ყველაზე უბედური იყო ჩვენთვის, ყველაფერი ისე გავითავისეთ, როგორც საკუთარი სახლი დაგვწოდეს, ვტიროდით და გლოვაში ვიყავით. შემდეგ იყო გამონათება და ყველაზე კარგად ის აღდგომის ღამის ტრაპეზობა გვახსენდება, როდესაც სამლოცველო სახლის აღდგენის შემდეგ პირველი აღდგომის ლიტურგია ჩატარდა. გვახსოვს, რომ სამ საათზე მოვრჩით და დილის ათ საათამდე აქ ვი-

ახლობელი ადგილი. მართალია, უთქვენოდ გავგიჭირდება, მაგრამ გვეყვავდა ჩვენ ერთ-ერთი მგალობელი გოგო, რომელიც შარშან სასწავლებლად წავიდა თბილისში, ეს გახლავთ თეონა ბენაშვილი და მისგან ვიცით, რომ ის თბილისში თავის საცხოვრებელთან ახლოს მდებარე ტაძარში გალობს, ასე რომ, მან გააგრძელა თავის საქმე სტუდენტობასთან ერთად. ვფიქრობთ, ჩვენც ასე მოვიქცევით. რაც შეეხება იმას, თუ აქ ვინ ჩავგანაცვლებს, არიან გოგონები, ვისაც სურვილი აქვთ შეისწავლონ გალობა და იგალობონ ტაძარში, ისინი უკვე დადიან მარინა მასწავლებელთან, სწავლობენ, მეცადინეობენ, ჩვენს ტაძარშიც გვესწრებიან და გვისმენენ. ვფიქრობთ, ისინი შემოუერთდებიან აქ დარჩენილ მგალობლებს.-ამბობს ქეთი ჩაფიაშვილი.

## ამბობენ ეკლესიური ადამიანები სხვანაირად მშვიდები არიან, თქვენს სახე-

ზე შესაშურ სიმშვიდეს და სათნოებას ვხედავთ. თქვენც, ალბათ გაქვთ ხოლმე ცხოვრებისეული პრობლემები, ამ დროს რას შვრებით, გამოხატავთ აღშფოთებას, ბოხოქრობით, თუ ერევით საკუთარ თავს და ინარჩუნებთ სულიერ სიმშვიდეს, რამდენად გეხმარება ტაძარი ასეთი განსაცდელის ყამს?

- კი, პრობლემები გვხვდება ხოლმე და სამწუხაროდ, ხშირად ვერ ვინარჩუნებთ სულიერ სიმშვიდეს, ველავთ და ხმამაღლად გამოვხატავთ, მეგობრებს ვუზიარებთ ჩვენს გულისტკივილს, სწორედ მაშინ მოვდივართ აქ და მხოლოდ ერთი მხრიდან რომ ვუყურებთ საკითხს, მამაო ისეთი მხრიდან დავგანახებ, ისე დავგვალაპარაკებ, მივხედრილვართ, რომ თურმე სულ არაფერი ყოფილა სანერვიულო და მაშინვე ვმშვიდდებით.

## ამჟამად, რომ თქვენ ხართ სანიმუშო მოსწავლეები სწავლაში, ხართ წარჩინებულები და სწორედ თქვენ აიღეთ ეკლესიაში გალობა თქვენს თავზე, იქნებ ამან გამოიწვია, რომ დღეს მოსწავლე-ახალგაზრდობა თქვენს გზას ადგას, თქვენ გზაძვენი?

- არ ვიცი, რამდენად მისაბაძები ვართ, ჩვენ გვგონია, რომ ჯერ კიდევ ბევრი გვიკლია იმისთვის, რომ მისაბაძნი ვიყოთ, მაგრამ დიდისგანაც და პატივისგანაც ჩვენდამი დიდი სიყვარული რომ მოდის, ამას კი ვგრძნობთ.

## თქვენგან ერთ-ერთი ინგლისში იყავით სკოლიდან გაგზავნილი, როგორც საუკეთესო მოსწავლე, მეორე ამერიკაში მოხვდით ფლექსისის პროგრამით, ასევე საუკეთესო მოსწავლეობისთვის, დები ლოლაშვილებიც წარმატებით მიაპოვეთ თავის გზას, აქვთ უამრავი წარმატება და წინსვლა, ყველა სფეროში აქტიურად ხართ ჩართული თითოეული, როგორ ფიქრობთ, თქვენი რწმენა და ეკლესია გეხმარებათ ამაში?

- რა თქმა უნდა, ყოველი ჩვენი წარმატება რწმენიდან მოდის, უფლის მფარველობას ყოველწუთს ვგრძნობთ, როცა რაღაც ისე არაა, ესეც უფლის ნებაა და ჩვენს თავს მეტი ლოცვისა და რწმენისკენ მოვუწოდებთ, ნათელი სხივიც უმაღლეს ჩვენს გვერდით ჩნდება.

## ნათქვამია, რომ ეკლესია სათნოს და მშვიდს ხდის ადამიანს, ისე ამშვიდებს რწმენაში ღრმად შესულ ადამიანს, რომ მას არავითარი ფსიქოლოგი აღარ სჭირდება, თქვენ როგორ ფიქრობთ, უნდა უგულვებელყოთ ფსიქოლოგია, როგორც მეცნიერება და მივცეთ თავი ეკლესიას სრულად?

-რა თქმა უნდა, ეკლესია და რწმენა ძალიან დიდ სიმშვიდეს სძენს ადამიანს, მაგრამ ეს იმას არ ნიშნავს, რომ ფსიქოლოგია, როგორც მეცნიერება უარყოფით, პირიქით, ეკლესია ყველანაირ მეცნიერებას აღიარებს და ყველა მეცნიერული დარგის განვითარებას ხელს უწყობს.

## სად და რაშია თქვენთვის უფალი?

- სიტყვებით ვერ გადმოცემით, უფალი ყველგანაა, ეს უნდა იგრძნო, ამას სიტყვებით ვერ იტყვის, სიყვარულია უფალი, რომელიც გვეხმარება და იმედით აღგვაფხვებს. შესაძლოა, ამ კითხვას არ პასუხობს, მაგრამ მოვეყვები, რათა უკეთ ავხსნათ უფლის ძალა და მიხვდებოდა ყველა, რომ კითხვის ადექვატური პასუხია. (ყველა სოფიო მენთეშაშვილი) როცა ინგლისში ვიყავი, მე გერმანულ გოგონასთან მოვხვდი ოთახში საცხოვრებლად. იქ საღამოობით ჩემი ლოცვების წიგნს გადავმლიდი და ჩუმად ვკითხულობდი. რამდენიმე საღამო ასე მიყურა გერმანელმა გოგონამ, ერთ საღამოს მთხოვა, რომ ხმამაღლა წამეკითხა ლოცვები,

რათა მასაც მოესმინა, მეც, რაღა თქმა უნდა, ხმამაღლა კითხვა დავინწყე და იცით, რა მოხდა?!- ეს გოგონა მისმენდა, ისე მისმენდა, რომ თითქოს ესმოდა ჩემი ენა, მერე ამბობდა ხოლმე, რომ სიმშვიდე მომანიჭა შენმა ლოცვებმაო. აი, ეს



არის ღმერთი და მისი ძალა, ღმერთი ყველაფერშია, შესაძლოა, ადამიანს არც ესმოდეს ის ენა, მაგრამ მას სიმშვიდე მიანიჭოს.

## რას გრძნობთ ერთმანეთის მიმართ მგალობელი გოგონები, ალბათ ამას ყველაზე ძლიერი და ამაღლებელი მეგობრობა ჰქვია, არ მეთანხმებით?

- კი, ეს სულ სხვა მეგობრობაა, უთქმელი მეგობრობა, რომელიც ისე გვკრავს ერთ მუშტად რომ ამას არანაირი ახსნა არ აქვს. ხომ გყვავს სხვა მეგობრებიც, რომლებთანაც ხშირად ვსაუბრობთ, გულის ნადებს ვუზიარებთ, ჩვენ, მგალობლებმა, შესაძლოა, ისე ჩავამთავროთ წირვა-ლოცვის გალობა და ისე დავმორდეთ ერთმანეთს, რომ ერთი სიტყვაც ვერ ვუთხრათ ერთმანეთს, მაგრამ ჩვენ ერთმანეთს ვგრძნობთ, ეს მეგობრობა მაინც სულ სხვაა, უთქმელი, მტკიცე და ურყევი, რომელსაც ვერანაირი წლები ვერ ნაშლის.

## გიყვართ ლიტერატურის კითხვა?

- კი, ახლახანს წავიკითხე სიუზენ კოლინზის „შიმშილის თამაშები“ და ჯეინ ოსტინის „სიამაყე და ცრურწმენა“, რითაც ალტაცებული ვარ და მთაბეჭდილებების ქვეშ ვიმყოფები, - მპასუხობს ანა ლოლაშვილი.

## რა ჰქვია იმ საქმეს, რისი კეთებაც სწავლისა და ეკლესიის შემდეგ, სიამოვნებას განიჭებთ?

- პირველ რიგში, ყველას ძალიან გვიყვარს კითხვა, მე პირადად, ხელსაქმეც მიყვარს, ებოში მუშაობაც, - ამბობს ანა ლოლაშვილი.

- კითხვა და მუსიკის მოსმენა, -ამბობს მარიამ ლოლაშვილი.

- მე უნდა ვაღიარო, რომ კითხვის, წერის და სწავლის გარდა არაფრის კეთება არ მიყვარს. მცირედით, მაგრამ მაინც, უფრო საოჯახო საქმეები მეხერხება, -ამბობს სოფიო.

## სულ მალე ეროვნული გამოცდები დაგეწყებათ, უნდა აბარებთ, რა სპეციალობები გაქვთ არჩეული?

- ფილოლოგიურზე ვაბარებ, ქართული ენა-ლიტერატურის სპეციალობით. - ამბობს სოფიო მენთეშაშვილი.

- ფილოლოგია- სოციოლოგია მაქვს არჩეული, -ამბობს ლიკა.

- საერთაშორისო სამართალი და ფსიქოლოგია, - გვპასუხობს ქეთი ჩაფიაშვილი.

## რას უსურვებთ დედოფლისყაროელებს?

- სულიერ სიმტკიცეს, იმედს, უყვარდეთ ერთმანეთი.

წარმატებები მინდა გისურვოთ გოგონებო, ღვთის წყალობა და მისი მფარველობა ვიცი არ მოგაკლდებათ, თქვენს სწავლისა და შრომისმოყვარეობის სიყვარულს კი მტკიცება აღარ სჭირდება, გვჯერა, მაღალ მწვერვალს დაიპყრობთ. ბედნიერ მომავალს გისურვებთ.



# ფრაგმენტები ერთი ქალის ცხოვრებიდან...

მწვანედაბინებულ ეზოში ხუთი სხვადასხვა ასაკის ბავშვი თამაშობს, ირგვლივ საოცარი სიმყუდროვეა, რომელსაც შიგადაშიგ ბავშვების ყიფინა არღვევს, სისუფთავე სუფევს ყველა კუთხე -კუნჭულში, ჭიმკარში ახალგაზრდა, სიმპატიური ქალბატონი გვეგებება და ღიმილიანი სახით ეზოსკენ მიგვიძღვის, ტკბილედ გვთავაზობს და ასევე ტკბილად იწყებს მოყოლას თავისი ცხოვრების უახლესი ისტორიიდან.

ის ძალიან ახალგაზრდაა, ხუთ ბავშვს ზრდის, სახელმწიფოს შემწეობის ქვეშ მყოფი ოჯახი აქვთ, მაგრამ მაინც ძალიან მხნედ და ხალისიანად გამოიყურება, მასთან საუბარი არ მოგწყინდება... დიდიდან საღამომდე მუხლჩაუხრელად შრომობს ხან ბოსტანში, ხანაც სახლში, საკუთარი ჭერი ჯერ არ აქვთ, თუმცა, იმედს არ კარგავს, რომ მომავალში აუცილებლად ექნებათ, ჯერჯერობით კი ქირას სახელმწიფო უხდის. ტანსაცმლით მეზობლებიც ეხმარებიან, მაგრამ სხვა ბევრი ვერაფრით, ისინი ამაზეც მადლიერები არიან. ყველაზე უმცროსი ორი წლისაა, უფროსი 11-ის. თითოეული მათგანი დედას თავისებურად ეხმარე-

თავს არ იწუხებს ფიზიკური შრომითა თუ სხვა პრობლემების მოგვარებით.

- ქ-ნი მარი,(პირობითად) როგორ უძღვებით ამდენ თავსატეხს და პრობლემას ერთად, ამდენ სიდუხჭირეს იმ პირობებში, როდესაც ამ ბავშვების გამოკვება ყოველდღიურ საფიქრალად გაქვთ ქცეული, მეუღლე სათანადოდ ვერ გიდგათ გვერდით, ის ამ პრობლემების გადაჭრას ალკოჰოლის მიღებას ამჯობინებს და ჩვენ ყველამ ვიცით, თქვენ როგორ ცდილობთ, ყველაფერი თქვენს თავზე აიღოთ და შეუძლებელი შესძლოთ, რა გაძლევთ ამ ყველაფრის ძალას და ენერჯიას, რა არის თქვენი ცხოვრების ყველაზე დიდი სტიმული?

-ჩემი ცხოვრების ყველაზე მთავარი მამოძრავებელი ძალა და სტიმული არის სიყვარული- პირველ რიგში, უფლის, ჩემი შვილების, ჩემი ოჯახის, მეუღლის, ჩემი ქვეყნის...ყოველ დღე რომ ვიღვიძებ, ღმერთს მადლობას ვწირავ, ასეთი ლამაზი და ჯანმრთელი შვილები რომ მაჩუქა, ჩვენს გვერდით უამრავი ადამიანი ხომ მოკლებულია ამ ბედნიერებას? რა მნიშვნელობა აქვს, რას ჩაიცვამენ, მთავარია,

ამათვისაც გამოიმეტებს იმას, რასაც დაიმსახურებენ.

მე და ჩემი მეუღლე ძალიან პატარა ასაკში სიყვარულით შევუღლდით, გლეხის ოჯახიდან ვართ ორივე და ჩვენს სწავლაზე არც არავის უფიქრია თავიდანვე, დავრჩით ასე უსწავლელები და უპროფესიონები, ხალხს ორ-ორი დიპლომი უდევთ სახლში და ისინი ვერ შოულობენ სამსახურს და ჩვენ ვინ მოგვცემს, ამაზე ხომ ადრე უნდა გვეფიქრა? ცხოვრებამ მაშინ გაგვფიქრება საბოლოოდ, როდესაც ასეთმა უსწავლელებმა და არასრულწლოვანებმა ოჯახი შევექმენით, თანაც იმ ფონზე, რომ მშობლებისგანაც არაფერი დანატოვარი არ გვქონდა... მაგრამ არავის ვემდურით, ეს ჩვენი ხვედრია, ასე გაჭირვებით მოვდევთ სულ ცხოვრებას და ეს ჩვენივე ძალიან ნაცნობი მდგომარეობაა, მე ბევრი სხვა რამ უფრო მიკვირს, მიკვირს თუნდაც ის, დღეს ასე აქტიურად რომ საუბრობენ ერთსქესიანთა ქორწინებაზე, ჰომოსექსუალიზმზე და ათას სხვა უბედურებაზე, ჩამორჩენილ ქალად არ ჩამთვალეთ, მაგრამ ეს ჩემთვის ნამდვილად უბედურებაა... მე ჩემს შვილებ-

არის მთავარი პრიორიტეტი, ამიტომ ვითმენ ბევრ რამეს, თუნდაც ჩემი მეუღლის ზოგჯერ გადაბმულად სმას, ზოგჯერ დაუმსახურებლად კამათსა და ჩხუბსაც, რა ვქნა, ოჯახის თავი მამაკაცია და როგორიც არის ის, ისეთი უნდა მივიღო, ის ჩემი არჩევანია, აბა სხვისი კარგი ქმარი ჩემს შვილებს რას არგებს, არასოდეს მიეჩივია ოჯახის და ანგრევაზე და არც ბავშვის მოცილებაზე, ღმერთმა რადგან მომცა, ესეიგი უნდა გავაჩინო და გავზარდო.

თბილისში გვყავს ძალიან შეძლებული ნათესავის ოჯახი, რომელთაც წლებია, შვილი არ ჰყავთ, მესამე ბავშვიდან რომ დაიწყეს, სულ გვეხვეწებიან, რომ ერთი შვილი მათ მივანდოთ ალსაზრდელად, მაგრამ ნამითაც არ დავფიქრებულვარ არასდროს, მიმაჩნია, რომ ისინი ბიოლოგიურ და-ძმასთან და მშობლებთან ბავრად მეტს მიიღებან და ბევრად ბედნიერები იქნებიან, თუნდაც სილატაკეში, ვიდრე ფუფუნებაში და იქ, სადაც უფალმა მათი ადგილი ჩასახვისთანავე არ განამსესა. ალბათ, გაგიკვირდებათ, მაგრამ ახლა მეექვსე ბავშვის მოლოდინში ვართ და სულ არ მეშინია, პირიქით, სტიმული მემატება და მგონია, შეუძლებელს შევძლებ, 30 წლის ვარ, მაგრამ ისევე ოცი წლის მგონია ჩემი თავი, დალას ვერ ვგრძნობ და რატომ უნდა ვთქვა უარი, უბრალოდ არ მესმის...



- რა არის თქვენი ყველაზე დიდი ნატვრა, რაზე ოცნებობთ?

-ჩემი უდიდესი ოცნებაა, რაც მე დამაკლდა, ჩემს შვილებს ჰქონდეთ, მინდა, ისწავლონ, სამშობლოსაც გამოადგინონ და თავიანთ ოჯახებსაც, მინდა, ყველას საკუთარი ჭერი ჰქონდეს და დამოუკიდებლად შეძლონ საკუთარი ოჯახების რჩენა, იცხოვრონ ჯანსაღი ცხოვრების წესით, ჩემთვის ეს არის ყველაზე უმთავრესი, ჩავთვით, რომ ჩემი მისია შევასრულე და ტყუილად არ მიცხოვრია...ასე დაასრულა ჩვენთან საუბარი ჩვენმა რესპოდენტმა, რომელიც მრავალშვილიანი დედის პრინციპით შევარჩიეთ და გვეგონა, მისგან ბევრ წუნუნს მოვიმენდით, მაგრამ მისმა ოპტიმიზმმა გაოცებული დაგვტოვა და კიდევ ერთხელ დაგვიფიქრა ცხოვრების მთავარ პრიორიტეტებზე, მოტივაცია და ღირებულებებზე.

ელზა ხარაშვილი



ბა, ცდილობენ ტვირთი შეუმსუბუქონ, გრძნობენ და ხედავენ, რომ მამა მაინცდამაინც ადამიანებად აღვზარდო, ერთმანეთის სიყვარული და ზრუნვა ვასწავლო, ცხოვრება მერე ბს ასეთი გადაცემების ყურებასაც კი აუფერხდავ, რომ ნამოიზრდებიან, ჩემთვის ოჯახი

## თამილა ნადირაშვილი ევროპული დონის პედაგოგია

ნებისმიერი კლასიკური ნაწარმოების ნოტებში თითქმის დანერვილებით არის ნაჩვენები თითოეული შტრიხი, დეტალი, ნიუანსი. ქალბატონი თითქოს ყველაფერია გამზადებული მა-

ლალმხატვრული შესულებისთვის... ნოტებს შორის ჩამალული მხატვრული არსის დაჭერაც რომ შეძლოს მასწავლებელმა და ფორტეპიანოზე „დამკვრელობითი ხარისხით“ გააკეთე-

ბინოს მოსწავლეს, მოსწავლე და მასწავლებელი მაინც ვერ გაცდება, მე ვიტყვი, მინიერი შემსრულებლობის საზღვრებს...

პიანიზმი კი ღვთის საიდუმლოა... არიან პედაგოგები, რომლებიც ხელში გრძნობენ სწორ გზას ამ საიდუმლოსკენ. მათზე, უკვე შეგვიძლია, ვთქვათ, რომ ევროპული დონის პედაგოგები არიან...

სწორედ ასეთი პედაგოგია თამილა ნადირაშვილი.



ქალბატონმა თამილამ დედოფლისწყაროს ხელოვნების სკოლას ბევრი ნარჩინებელი მოსწავლე გაუზარდა. მათ შორის, ნინო ხუციშვილი - 1997 წლის საქართველოს სამუსიკო სკოლებისა და სასწავლებლების პირველი დათვალიერებაკონკურსის ლაურეატი, პირველი მსოფლიო საყმაწვილო დელფიადის მონაწილე და სერთიფიკატის მფლობელი.

ახლა კი მალვინა ისმაილოვა - ი. ს. ბახისადმი მიძღვნილ საერთაშორისო მოძრაობის ეგიდით ჩატარებულ რესპუბლიკური კონკურსის ლაურეატი და III პრემიის მფლობელი!

11 ივნისს მოსწავლემასწავლებელმა კლასიკური მუსიკის კონცერტი გამართეს, სადაც შეასრულეს გენიოსთა მსოფლიო შედევრები... ასეთი კონცერტები, როგორც ჰაერი და წყალი, ისე სჭირდება ნებისმიერ საზოგადოებას, ადა-

მიანის სულს... მიხარია, რომ მიუხედავად ასეთი „მოკაჟაჟე“ შოუბიზნესის ჭრელ, ფუჭი „ხელოვნების“ ხმაურში ადამიანები მაინც ახერხებენ განასხვავონ ღირებული არალირებულისგან, შემეცნებადი ხელოვნება ადამიანის პიროვნების დამშლელი „ხელოვნებისგან“...

11 ივნისს ჩვენი სკოლის დარბაზი ასეთი მაღალკულტურული, გემოვნებიანი მსმენელით გაივსო... იყო დიდი თვითჩაღრმავება, სიმშვიდე, ამაღლებული გრძნობა, გულწრფელი სიხარული და დროებით მინიერი სამყაროს მიტოვება...

მადლობა თამილას!  
მადლობა მალვინას!  
მადლობა მსმენელს!

მარიამ კიკილაშვილი  
ხელოვნების სკოლის დირექტორი



# ყოველ სამ კაცზე ერთი მანქანა!

საქართველოში ავტომობილების რაოდენობა ყოველთვიურად იზრდება. 2014 წლის მონაცემებით, ქვეყანაში სულ 1 054 000 მანქანაა რეგისტრირებული, რაც იმას ნიშნავს, რომ საქართველოში ყოველ მესამე

არსებული მონაცემებით, ავტომობილების 40% თბილისშია თავმოყრილი. ტრანსპორტისა და გზების ასოციაციის ინფორმაციით კი, სატრანსპორტო საშუალებების რაოდენობა ბოლო 7 წელიწადში ნახევარი მილიონი

რაც ქვეყანაში კერძო ავტომობილებზე მოთხოვნას საგრძნობლად შეამცირებს. მესხიშვილის აზრით, საქართველოში ავტომობილების რაოდენობა ქაოსურად იზრდება და ხელისუფლება ვერანაირ

ნისძიებები გატარდა და ახლაც ტარდება. მაგალითად, ავტომობილების რაოდენობის შესამცირებლად ბელგიის მუნიციპალიტეტმა თანამშრომლებს საზოგადოებრივ ტრანსპორტზე უფასო ბილეთები დაურიგა. შედეგად მიიღო ის, რომ ერთ-მა ავტომობილს დაახლოებით 100 მანქანა გააჩერა”, - აცხადებს მესხიშვილი.

შესაბამისად, საქართველოში აუცილებელია საზოგადოებრივი ტრანსპორტის განვითარება და პარალელურად ხალხის ნახალისება, რომ საზოგადოებრივი ტრანსპორტით იმგზავრონ. “მიგვაჩნია, რომ ტრანსპორტის მიმართულებით მომუშავე სხვადასხვა სამსახური, რომელიც რამდენიმე უწყებაშია გადანაწილებული, ერთ სტრუქტურაში უნდა მოექცეს და შეიქმნას სპეციალური სამინისტრო ან თუნდაც დეპარტამენტი. ასეთი უწყება ყველა ქვეყანაშია და აუცილებელია, სასწრაფოდ აქაც გატარდეს სწორი რეფორმა და შეიქმნას ტრანსპორტის სამინისტრო. დარგის განვითარებისთვის აუცილებელია ერთი ხელმძღვანელი და არა 14, რომლებიც კოორდინაციაში არ არიან ერთმანეთთან, შედეგად კი საქმე ფუჭდება. შემოფოტებულია იაპონიიდან ავტომანქანების ექსპორტის ზრდის მაჩვენებელი. 2012 წელს იაპონიიდან მანქანების ექსპორტი 283%-ითაა გაზრდილი. 2012-ში შემოვიდა - 12-13 ათასი, 2014-ში - 45 000 ათასი, აქედან 90% მარჯვენასაჭიანი. ეს ჩვენი საგზაო მოძრაობისთვის კატასტროფაა. არ გამოვიცხავ, რომ 2015 წელს მარჯვენასაჭიანების იმპორტმა მარცხენასაჭიანებს

გაუსწროს. აუცილებელია, რომ მარჯვენასაჭიანების იმპორტზე გარკვეული შეზღუდვა დაწესდეს, რადგან ისინი საგზაო მოძრაობას ართულებენ”, - განაცხადა მესხიშვილმა.

ავტოექსპერტი, ფურნალ “ავტობილდის” რედაქტორი შალვა ბუაჩიძე ფიქრობს, რომ საქართველოში მანქანების რაოდენობა უახლოეს რამდენიმე წელიწადში კიდევ მოიმატებს, მაგრამ ეს პრობლემა არ არის. ბუაჩიძე თვლის, რომ ქაოსური მოძრაობის საკითხი ურბანისტიკის აქტიური ჩარევით უნდა მოგვარდეს. “საზოგადოებრივ ტრანსპორტს რაც უნდა პოპულარიზაცია გაეწიოს, ავტომობილებზე მოთხოვნას ვერ შეამცირებს. იგი, გარკვეულწილად, მოაგვარებს მოძრაობის პრობლემას, როგორც ეს ევროპულ ქვეყნებშია, მაგრამ მოკლე ვადაში ამით შედეგის მიღწევა წარმოუდგენელია. ჩვენი მენტალიტეტიდან გამომდინარე, საზოგადოებრივი ტრანსპორტის პოპულარიზაციას ეჭვით ვუყურებ. ქართველი კაცი, რომელსაც მანქანა ჰყავს, მეტროთი არ იმგზავრებს, ეს გამოიციხულია. ქაოსური მოძრაობის პრობლემა ურბანისტიკის ჩარევით უნდა მოგვარდეს, რომ გამოსავალი მოიძებნოს, თუმცა მიღებული გადაწყვეტილება საზოგადოებისთვის არ უნდა იყოს მძიმე. ხალხს გაუჩნდა საშუალება და ავტომანქანებს ყიდულობს, ტენდენცია სამომავლოდაც გაგრძელდება, ამაში პრობლემას ვერ ვხედავ. სპეციალისტების აქტიური და სწორი ჩარევით, ალბათ, საცობებთან დაკავშირებული პრობლემა მოგვარდება”, - აცხადებს ბუაჩიძე.



ადამიანს მანქანა ჰყავს. სპეციალისტები ამ მაჩვენებელს საგანგაშს უწოდებენ და ხელისუფლებას სწორი სატრანსპორტო პოლიტიკის გატარებისკენ მოუწოდებენ.

როგორც გაზეთი “რეზონანსი” წერს, 3 წლის წინათ საქართველოს მასშტაბით 806 000 ავტომობილი იყო რეგისტრირებული, ხოლო 2011 წელს მათი რაოდენობა 745 000-ს არ აღემატებოდა. 2012 წლიდან მოყოლებული, ავტომობილების რეგისტრაციამ 8,2%-ით მოიმატა, 2013 წელს კი - 9,1%-ით. რაც შეეხება 2014 წელს, როგორც ტრანსპორტისა და გზების ასოციაციის ხელმძღვანელი დავით მესხიშვილი აცხადებს, ავტომანქანების რაოდენობამ 1 054 000 შეადგინა. აღსანიშნავია, რომ ავტომობილების 60,9%-ს მსუბუქი ავტომანქანები შეადგენს, მათი მნიშვნელოვანი ნაწილი (90,9%) 2004 წლამდეა წარმოებული.

ავტომობილით არის გაზრდილი. მანქანების რაოდენობა ძველი ავტომობილების ხარჯზე მატულობს. ტრანსპორტისა და გზების ასოციაციის ხელმძღვანელი დავით მესხიშვილის ინფორმაციით, 400 000-ს აჭარბებს იმ მანქანების რაოდენობა, რომელთა ასაკი 20 წელს აღემატება. ეს არის ის კატეგორია, რომელთაც ტექნოლოგიების გავლა გაუჭირდება. ყველაზე მეტი ავტომობილია 10-დან 20 წლამდე. რაც შეეხება სრულიად ახალ ავტომობილებს (0-დან 3 წლამდე), მესხიშვილის თქმით, მათი რიცხვი 50 ათასს არ აღემატება, რაც ძალიან დაბალი მაჩვენებელია.

მანქანების რაოდენობის ზრდა არასწორი პოლიტიკის შედეგია. ქვეყანამ ალტერნატიულ საშუალებებს უნდა მიმართოს, კერძოდ, საზოგადოებრივი ტრანსპორტის პოპულარიზაციას შეუწყოს ხელი,

რეგულაციას ვერ აწესებს ამ პრობლემის მოსაგვარებლად. “ამდენი ავტომანქანა სულაც არ ნიშნავს, რომ ქვეყანაში ეკონომიკური მდგომარეობა გაუმჯობესდა. ეს არის შედეგი იმისა, რომ დარგი არასწორი პოლიტიკით ვითარდება. გარდა ამისა, ჩვენ შემთხვევაში, ბევრი და ძველი მანქანა გაჭირვების მიზეზია, ვინაიდან ავტომობილების უმეტესობა განკუთვნილია იმისათვის, რომ ადამიანებმა მცირე შემოსავალი მიიღონ. მანქანების რაოდენობის ზრდა, ერთი შეხედვით, შესაძლოა, კარგი იყოს, მაგრამ რეალურად სერიოზულ პრობლემასთან გვაქვს საქმე. საქართველოში ავტომობილს ყიდულობს ყველა - სჭირდება თუ არ სჭირდება. ეს ხდება იმიტომ, რომ საზოგადოებრივი ტრანსპორტი არასწორად ვითარდება. ევროპაში ამ დარგის განვითარების მხრივ სერიოზული ლო-



## რატომ მოითხოვს ქართულმა მხარემ ლარსის გამშვებ პუნქტზე სამუშაო დროის შემცირება?

“ღვარცხოფული ნაკადის მოვარდნის შესაძლო საფრთხიდან გამომდინარე, ლარსის საბაჟო-გამშვებ პუნქტზე 24-საათიანი მუშაობის განრიგი, ქართული მხარის მოთხოვნით შეიცვალა. 7 ივნისიდან გამშვები პუნქტი მხოლოდ დღის განმავლობაში იმუშავებს. ამ გადაწყვეტილებამ სატრანსპორტო ნაკადის გადაადგილების შეფერხება და მძღოლების უკმაყოფილება გამოიწვია”, - ინფორმაცია კობი-გუდაურის მონაკვეთზე სატრანსპორტო გადაადგილების შეფერხების რეალური მიზეზის შესახებ, ბპნ-ს რუსულმა გამოცემა „კავკაზი უზელმა“ ადგილობრივ უწყებებთან გადამონშების შემდეგ მიანოდა.

გასულ კვირას საქართველოს შემოსავლების სამსახურმა გაზრდილი ტვირთბრუნვა დაასახელა. “შესაბამისად, გაზრდილია ტრალიერების ნაკადი და რუსული მხარე ლარსის საბაჟოზე ვერ უზრუნველყოფს მათ დროულად გატარებას. პრობლემა

სამსახურის ოფიციალურ განცხადებაში. ინფორმაციის დაზუსტების მიზნით, ჩვენ ინტერნეტ გამოცემა “კავკაზი უზელს” დავუკავშირდით. რუსმა კოლეგებმა ჩვენი შეკითხვებით რუსეთის უსაფრთხოების სამსახურს მიმართეს. მათ

შესაბამისად, ლარსის გამშვები პუნქტი დღის 6-დან საღამოს 6 საათამდე იმუშავებდა. განრიგის შეცვლის შედეგად საზღვარზე მოსალოდნელი საცობის შესახებ მძღოლებსა და მგზავრებსაც აცნობეს და სთხოვეს, ამ გადაწყვეტილებას გაგებით მოკიდებოდნენ”, - ნათქვამია

მიზნით მოხდა. რუსეთის საბაჟო-გამშვები პუნქტის ინფორმაციით, სიტუაციის განმუხტვის მიზნით, 30 ივნისს ქართულმა მხარემ მათ თხოვნით მიმართა, რომ ლარსის გამშვებ პუნქტზე სამუშაო დრო 4 საათით გახანგრძლივებულიყო.

## რა გზად გუდაური-კობის მონაკვეთზე ასობით სატვირთო ავტომობილის შეყოვნების რეალური მიზეზი

გუდაური-კობის მონაკვეთზე შექმნილი საცობის მიზეზად

მომდინარეობს არა ქართული, არამედ რუსული მხრიდან. გაზრდილია ნაკადი, განსაკუთრებით სომხური ტრანზიტის ხარჯზე. ჩვენ ვატარებთ ძალიან სწრაფად, თუმცა რუსული მხარე ვერ უზრუნველყოფს მათ დროულად და ეფექტიანად გატარებას. ჩვენ დამოკიდებული ვართ რუსულ მხარეზე”, - ნათქვამი იყო შემოსავლების

მეორე მონოდებული ინფორმაციის თანახმად, სატრანსპორტო გადაადგილების შეფერხება ქართული მხარის მოთხოვნამ განაპირობა. “ღვარცხოფის შესაძლო მოვარდნის საფრთხიდან გამომდინარე, ქართული მხარის ინიციატივით, გამშვები პუნქტი 24-საათიანი სამუშაო გრაფიკიდან დღის მუშაობაზე გადავიდა.

პასუხში. თუმცა, უკვე 8 ივნისიდან სასაზღვრო პუნქტზე ტრალიერების უზარმაზარ ნაკადს ბოლო არ უჩანდა, ხოლო ხანგრძლივი ლოდინით უკმაყოფილო მძღოლებს საბაჟოს თანამშრომლები მშვიდად უხსნიდნენ, რომ სამუშაო განრიგის შეცვლა ქართული მხარის მოთხოვნით, მოქალაქეების უსაფრთხოების

“1 ივლისიდან რუსეთიდან საქართველოს მიმართულებით გამშვებ პუნქტზე გადაადგილება დღის 5-დან საღამოს 8 საათამდე (მოსკოვის დროით) იქნება შესაძლებელი, ხოლო რუსეთის მიმართულებით 24 საათიან რეჟიმში იმუშავებს, “ზემო ლარსის” მიმართულებით სატრანსპორტო გადაადგილება კი საღამოს 7 საათიდან შეიზღუდება”, - ნათქვამია რუსეთის საბაჟო-გამშვები პუნქტის განცხადებაში.



# გზა მშვიდობისა, პატარებო!

ერთ-ერთი მნიშვნელოვანი და დადებითი რაც გააკეთა ახალმა ხელისუფლებამ, სკოლამდელი სალმზრდელი დაწესებულებების პრიორიტეტად გამოცხადება იყო. ბევრი რამ გაკეთდა საბავშვო ბაგა-ბაღებში: გარემონტდა, ახალი დგამ-ავეჯიტი აღიჭურვა, შემოვიდა გასართობი თუ შემეცნებითი ხასიათის თემატური სათამაშოების ფართო სპექტრი, კეთილმოეწყო სველი ნერტივლები და სამზარეულოები. და, რაც მთავარია, საბავშვო ბაღის გადასახადებიდან განთავისუფლდნენ მშობლები. ამას პედაგოგთა გარჯილობაც დაემატა: მრავალი აპლიკაციით, ნახატით თუ ნაძეგრითა და მშვენიერი შენობის კედლები, დერეფნები, სადარბაზოები. ერთი სიტყვით, სასიამოვნო გარემოა. ამასთან, ძირფესვიანად შეიცვალა ბავშვთა კვების მენიუ. ის უფრო კალორიული და მრავალფეროვანი გახდა.

ახლა საბავშვო ბაღში სიარული, ბავშვისთვისაც და მშობლისთვისაც, ხელსაყრელია.

ქ. დეოფლისწყაროს N3 საბავშვო ბაგა-ბაღიც ყველანაირად მზად არის და იღწვის კიდევაც, მტკიცე საძირკველი ჩაუყაროს ჩვენს მომავალი თაობის აღზრდა-განათლებას. მოგესხენებათ, ბაღი ეს მოზარდის ცხოვრების პირველი საფეხურია და როგორ წარმართება ბავშვის მომავალი, აქ მომუშავე პერსონალზე ბევრად დამოკიდებულია. სწორედ საბავშვო ბაღში ხდება სწავლის და ყოფაქცევის იმ ნორმების ჩამოყალიბება, რომელიც შემდგომ საზოგადოებასთან, ახლობლებთან, მეგობრებთან და პედაგოგებთან ურთიერთობაში გამოვლინდება. აქ ეყრება საფუძვლი ცოდნის სურვილის გაღვივებას, მიზანსწრაფულობას, შემოქმედებითი უნარ-ჩვევების ჩამოყალიბებას, ანუ ინდივიდუალური და კოლექტიური თანაცხოვრების პირველ ნაბიჯებს გაუცნობიერებლად აქ დგამენ მოზარდები. აქ სწავლობენ უფლის და სამშობლოს სიყვარულს, მეგობრობის ფასს, სიკეთის გამარჯვებას ბოროტებაზე. ამიტომაც, აღზრდელს, პედაგოგს დიდი როლი და პასუხისმგებლობა აქვს. მასზე, მის ტაქტსა და აღზრდის მეთოდებზე ბევრად დამოკიდებული თითოეული ბავშვის მომავალი, ის, თუ როგორ თაობებს მიიღებს ქვეყანა, ვის გადაეცემა ესტაფეტა.

ჩვენ ქალაქ დეოფლისწყაროს N3 ბაგა-ბაღის უფროსი ასაკის ბავშვთა გამოსაშვებ საღამოზე ვიმყოფებით. დღეს აქ 13 ბავშვი დაემშვიდობება საბავშვო ბაღს და სკოლაში გადაინაცვლებს. თამარ უძილაური, თამარ მამაიაშვილი, თაკო მისიურაძე, ირაკლი მანანაშვილი, მარიამ ქადაგიშვილი, გიორგი ჭილიტაშვილი. არჩილ ნიკოლაური, ნიკოლოზ ხუდადოვი, ნიკოლოზ წყარუაშვილი, თაკო ხარაშვილი, დავით არაბული, ონისე ნაროზაული და დავით გურამიშვილი სექტემბრიდან სკოლის მერხებს მიუსხდებიან. ჯგუფში სულ 26 ბავშვია, ამიტომ, ცამეტი ისევ ბაღში გააგრძელებს მეცადინეობას, რადგან მათ ჯერ ნელი არ შესრულებიათ. ზეიმზე კი ყველა ერთნაირად გამოეწყო და მთელი ძალით ეცადა, ესახელებინათ პედაგოგები, თავი წარმოეჩინათ ლექსსა თუ სიმღერაში, ცეკვასა თუ ინსცენირებაში, რომელიც მრავლად მოუზნადებიათ სტუმრებთან წარსადგენად.

ზეიმის დასაწყისში ნიკოლოზ წყარუაშვილი შემოდის დარბაზში და სთხოვს დამსწრე საზოგადოებას, წუთიერი ღუმლით პატივი მიაცინოთ თბილისში, ვერეს ხეობაში წყალდიდობის დროს გარდაცვლილი ადამიანების სსოვნას. იხდიან რა თავის მოქალაქეობრივ ვალს, პატარები მხატვრულ განყოფილებაზე გადადიან. გვიყვებიან თავის განცდებზე: კარგად მახსოვს, პირველად რომ მოვედი ბაღში, როგორ ვტიროდი, მეგონა, დედა რომ წავიდოდა, სულ მარტო დავრჩებოდი, მაგრამ მასწავლებლის სითბომ და აღურსმა ისე შემაყვარა ჩემი ბაღი, რომ ძალიან მიჭირს მისი დატოვება. ჩვენ ამ კედლებში ბევრი რამ შევისწავლეთ - ცეკვა, სიმღერა, ხატვა, ქართული ენა, მათემატიკა, ინგლისური..

ეს სუთი წელი გაფრინდა, როგორც მერცხალი. ვერც კი გავიკეთ, ნ წელი როგორ გვეწვია, ჩვენ ბაღს ვშორდებით, გვილოცავს გზას აღმზრდელები, გზა მშვიდობისა, დაგვკიკიკებს ჩიტი მწვეწია. მერიფას აღმზრდელებს მადლობის მეტს აბა რას ვუტყვი, თქვენც და ჩვენს ბაღსაც სინანულით გემშვიდობებით, ზირობას ვაძლევთ, არ შეგარცხვენთ და ჩვენ ვუვლადფერს სად უნდა ვიყოთ, სამუდამოდ გვემსხოვრებით!

სდებენ პირობას სკოლის ასაკის ბავშვები. ზეიმს კი ყველა ერთად განაგრძობს. ქართული სიტყვის სადიდებელს ამბობს ლუკა სეფიაშვილი - ხან ყვავილების ნელი შრიალი, ხან იადონის ხმატკბილი სტვენა, სიტყვა ფრთიანი, ნაპერწკლიანი, ბარაქიანი ქართული ენა, მას მარიამ გიგოლაშვილი ეხმარება: „ვინ იცის, მტერი ჰყავდა რამდენი, და მინც შეიძლო მოსვლა აქამდე, არ აღმოფხვრა, არ გაცამტვერდა“, დასკვნას კი მარიამ ზუბიაშვილი აკეთებს: „ჩვენ უნდა შევძლოთ და კიდევ შევძლებთ კვლავ იძლიეროს ენამ ქართულმა. ქართული ენის ქომაგობას ვგვირდებთ გიორგი ზურაშვილი:

ავდგებოდით, ვიოკებდით, და შევძლებდით შეუძლებელს, და ანბანი ჭრილობებზე გაჩნდებოდა სხეულებზე. ხან დაშლილა საქართულო, კახურ-სამცხურ-მეგრულად, მაგრამ ისევ საქართულო ქართულ ენით შეგუვლა“ დედა ენას ასხამს ხოტბას ელისაბედ გოგოჭური - „დედა ენა, სიბრძნის წიგნი, მოჩუხრუხე ცხრა წყარო, აი ია, აი თითი, აი მთელი სამყარო“.

დედა ენას ეფერება საბა ბოჭორიშვილიც: „დედა ენა, სიტყვის კონა, მზის სხივებით დართული, დაშაქრული, დათაფლული, დედა ენა ქართული“. დედა ენას აქებს საბა დოლენჯაშვილიც. ბავშვებმა თავი გამოიჩინეს და ინგლისური ლექსებიც მოასმენინეს დამსწრეთ. ისინი პედაგოგ ნესტან ბალაძის ხელმძღვანელობით ინგლისურ ენას ბაღიდანვე ეუფლებიან. ლექსები, სიმღერები, ინსცენირებები ერთმანეთს ენაცვლება და პატარა „მსახიობები“ თავს არ ზოგავენ ასიამოვნონ დამსწრეთ. სტუმრები კი აპლოდისმენტებს არ იშურებენ მათ გასამხნეველად. ზეიმი დასასრულს მიუახლოვდა. პედაგოგი ქეთინო ჯალიაშვილი და მისი თანამემწე მარიტა ბეჭიშვილი, მუსიკის მასწავლებლები ხათუნა ჯანაშვილი და ბაგა-ბაღის დირექტორი მაია ფოცხვერაშვილი ბავშვებს ემშვიდობებიან. ისინი მღელვარებას ვერ ფარავენ. წლობით თანაცხოვრების, ამაგის და ზრუნვის შემდეგ განმორება ადვილი არ არის.

დედა დიდი მსჯელობა იმართება ბავშვის სკოლაში მისვლის ასაკთან დაკავშირებით. მშობლები, რომელთა შვილებმაც სუთ



ნელს გადააბიჯეს, მაგრამ ჯერ ექვსი წელი არ შესრულებიათ, უკმაყოფილებას გამოთქვამენ მათი შვილების სკოლის გარეთ დარჩენის გამო. ამასთან დაკავშირებით ჩვენ პედაგოგ ქეთინო ჯალიაშვილს ვკითხვით აზრი: - მართალია, საბავშვო ბაღში მუშაობის დიდი ხნის სტაჟი არ მაქვს, სულ სამი წელია, რაც ვმუშაობ, მაგრამ მოხდა ისე, რომ 5-6 წლიანი ბავშვები ჯერ N2 ბაღში გავეშვი, ახლა კიდევ აქ. ამდენად, მათთან შეხება

მაქვს და მიმჩნია, რომ სხვაობა სუთნობიან და ექვსწლიან ბავშვებს შორის ნამდვილად არსებობს. ის რამდენიმე თვეც კი მნიშვნელოვანია ბავშვის სრულყოფილებამდე. ამიტომ, მე ვურჩევ მშობლებს, ნუ იჩქარებენ ბავშვის სკოლაში გაგზავნას- განაცხადს ქეთინო მასწავლებლებმა.

წარმატებები, მშვიდობა და ჯანმრთელობა ვუსურვოთ ჩვენს პატარებს.

ნაირა გორაშვილი

# სამკვლემოქმედო საღამო ოპერის თეატრში

13-14 ივნისს თბილისში სტიქიური უბედურების შედეგად ათობით ადამიანი დაიღუპა, რომლის ამსახველ კადრებს საქართველოს ტელევიზიასთან ერთად მსოფლიოს წამყვანი სატელევიზიო არხებიც აშუქებდა.

სწორედ მათ ხსოვნას მიეძღვნა 20 ივნისს კონსერვატორიის დიდ საკონცერტო დარბაზში ზაქარია ფალიაშვილის უკვდავი ოპერა- „დაისი“. სიმფონიურ ორკესტრს დირიჟორობდა ცნობილი მესტრო, „მეტრის“ ნომინანტი რევაზ ტაკიძე. მთავარი პარტიების შემსრულებლებმა, ოპერის სოლისტებმა არმაზ დარაშვილმა (მალხაზი) ნინო ჩაჩუამ (მარო) მამუკა ლომიძემ (კიაზო) ფურორი მოახდინეს სცენაზე. მალხაზის არა არამზ დარაშვილის შესრულებით ბრწყინვალე

იყო. მან უნაკლოდ შესარულა პირველ აქტში არია „თავო ჩემო, ბედი არ გინერია, ვინ რა იცის, რომ ეს გული მკვდარია“... მაყურებელი ხანგრძლივი აპლოდისმენტებით და ბრავოს შეძახილებით ავილოდოვებდა ოპერის მომღერლებს, გუნდს, დირიჟორს, სიმფონიურ ორკესტრს, რომლის უღერადობა ნებისმიერი ქვეყნის საოპერო სცენას დაამშვენებდა.

ამავე საღამოზე გაიხსენეს მურთაზ პოპიაშვილიც, რომელიც 31 წლის წინ ტრაგიკულად დაიღუპა. ელვის სისწრაფით მოედო მთელ რაიონს 1984 წლის 14 ივნისს ნითელწყაროში, ყოფილ ლიმონათის ქარხნის მიმდებარე ტერიტორიასთან, ხეცსურების უბანში ტრესტ „ალაზამენის“ №84 სამშენებლო სამმართველოს კუთვნილი „ურალის“ მარკის ავტობუსის

ავარიის ამბავი. სასიკვდილოდ დაშავდა ამავე სამმართველოს სამუშაოთა მწარმოებელი მურთაზ პოპიაშვილი, რომელიც საავადმყოფოს ქირურგიულ განყოფილებაში გადაიყვანეს. მისმა ერთადერთმა ძმამ ბატონმა ტარიელმა თბილისიდან ვეტმფრენით სპეციალურად ჩამოიყვანა ნეიროქირურგი,

მიუხედავად ექიმების დიდი მცდელობისა, მისი გადარჩენა ვერ მოხერხდა და 20 ივნისს სრულიად ახალგაზრდა გარდაიცვალა.

როგორც თბილისის ოპერისა და ბალეტის სამხატვრო ხელმძღვანელმა დავით კინწურაშვილმა განაცხადა, 163-ე სეზონი „დაისით“ დაიხურა. იგი

გახლდათ საქველმოქმედო სპექტაკლი და შემოსული თანხა მთლიანად სტიქიით დაზარალებულ ოჯახებს გადაერიცხა.

ახალი სეზონი ოპერისა და ბალეტის თეატრის რესტავრირებულ შენობაში გაიხსნება შემოდგომაზე.

ნანა ჭიჭინაძე

## მ ა დ ლ ი ე რ ე ბ ა

ოცი წელია, ტკივილებით ვიტანჯებოდი. ყველანაირი მადიკამენტური მკურნალობა ამაო იყო. გაზეთის საშუალებით ერთი მადლიერი პიროვნების წერილით შევიტყე ლაზეროთერაპიის შესახებ. ჯერ კი ორჭოფულად დაუწყე ყურება „ამდენმა ნემსმა და აბმა არ მიშველა, ამა რა უნდა მიშველოსო“, მაგრამ ძლიერმა ტკივილმა მიმაღებინა გადაწყვეტილება, რომ ესეც მეცადა და მოხდა საოცრება. ოცი წლის ტკივილი უკან დარჩა და ეს ყველაფერი ექიმი მარინა ქორიძის და მისი ექთნის ირმა ჩალახემაშვილის დმსახურებაა. მინდა მეც გაზეთის საშუალებით გულწრფელი მადლობა გადავუხადო მათ.

ვისაც ანუხებს: - ოსტეოქონდროზი, რადიკულიტი, არა საოპერაციო მალთა შორის თიაქარი, იზიაზი, სახსრების ანთება, ართრიტი, დიაბეტური ანგიოპათია, კუჭისა და თორმეტგოჯა ნაწლავის წყლულოვანი დაავადებები მიაკითხეთ დეოფლისწყაროში, ფიროსმანის ქუჩა №18-ში სამედიცინო ცენტრ „ექიმები თქვენს სამსახურში“ - მარინე ქორიძეს. დარწმუნებული ვარ თქვენც ჩემსავით კმაყოფილი დარჩებით.

პატივისცემით ცინიონ ჯანაშვილი. სოფელი ზემო მარხანი



# ბრინჯაოს მედალი ბულგარეთში

იენისში, ბულგარეთის ქალაქ სოფიაში ჩატარდა რიგით 25-ე ევროპის ჩემპიონატი მკლავჭიდში, სადაც ორმოცამდე ქვეყნის საუკეთესო სპორტსმენი მონაწილეობდა. ტურნირზე წარმატებით იასპარეზა დედოფლისწყაროს (სოფ. არხილოს-კალოს) მკვიდრმა ზაზა კობაიძემ, რომელმაც 85 კილოგრამ წონით კატეგორიაში მესამე საპრიზო ადგილი დაიკავა და ბრინჯაოს მედალი დაუფლა. საქართველოს ნაკრების მონაწილე ფაბრიკა, ახალგაზრდულ და ეროვნულ ნაკრებებში 33 მედალია: აქედან 8 ოქრო, 16 ბრინჯაო და 9 ვერცხლი. ასევე, საქართველომ გუნდური მეორე ადგილი დაიკავა ევროპის ჩემპიონატზე როგორც ახალგაზრდებში, ასევე უფროსებში.

როგორც მკლავჭიდის ფედერაციის მწვრთნელი, დედოფლისწყაროს მკვიდრი გელა ზამბარაძე აცხადებს, მესამე ადგილი ცუდი შედეგი არ არის, ამდენად ის კმაყოფილია.

„საქართველოს მკლავჭიდის ეროვნულმა ნაკრებმა გუნდური მეორე ადგილი აიღო, ხოლო პირველი ადგილი რუსეთმა დაიკავა. ჩვენ 40 სპორტსმენი ვიყავით ორმოცამდე მკლავჭიდი, რუსეთიდან კი 200-მდე. მათ გაცილებით დიდი დაფინანსება და ხელშეწყობა აქვთ, თურქეთიც ასეა. მუდმივად 150-200 სპორტსმენით გამოდიან. გაცილებით ცოტა ქართველი რომ ახერხებს ჩემპიონატზე გამოსვლას, ეს ძირითადად მგზავრობისა და მოსამზადებელი ხარჯების არარსებობის მიზეზითაა გამოწვეული.

საბოლოო ფაზაში, შესანიშნავი ტურნირი იყო, საქართველოს ნაკრებმა მართლაც ღირსეულად იასპარეზა. წლების მანძილზე არავის ახსოვს ასეთი ღირსეული გამარჯვება. ერთ პერიოდში, აღზევების გზაზე იყო ქართული მკლავჭიდი, შემდეგ იყო ჩავარდნა. ამჯერად მთელი მსოფლიო აღიარებს, რომ საქართველოს ნაკრები ძველ დიდებულ იბრუნებს. ბრწყინვალედ იასპარეზა ზაზამ. ის ახალგაზრდაა, არ აქვს საკმარისი გამოცდილება, რომ ისეთ დიდ კორიფებს შეეჭიდოს, როგორებიც ჩემპიონატზე იყვნენ ევროპის და მსოფლიოს მრავალგზის ჩემპიონები, მაგრამ ზაზამ თავისი სათქმელი თქვა და წარმატებას მიაღწია. მსაჯებიც ყოველთვის ჩვენს წინააღმდეგ თავის სიტყვას ამბობენ. გერმანელი ძალიან ძლიერი სპორტსმენია, მაგრამ ზაზა ტექნიკის და სისწრაფის ხარჯზე ცდილობდა, რომ დაემარცხებინა.

ჩვენ დედოფლისწყაროშიც გვაქვს დარბაზი, მაგრამ ეს ჩემპიონატი ისეთია, თუ ნაკრების დონეზე არ ივარჯიშო სპორტსმენმა, ასე გამოსვლა რთულია. ამიტომაც, ორ ფრონტზე გვიწევს ბრძოლა და მომზადება. მადლობა მინდა ვუთხრა, კახეთის გუბერნატორს ირაკლი მიოლაშვილს, დედოფლისწყაროს გამგებელს ნიკოლოზ ჯანაშიას, ისინი მუდმივად გვერდში გვიდგანან და სწორედ მათი დამხმარებით მოვახერხეთ ბულგარეთში გამგზავრება. როცა სპორტსმენებს უჭირთ, ყოველთვის მათ ვანუხებთ ხოლმე. ზაზა კობაიძე ნაკრებიდან დაფინანსდა, ხოლო ლადო ხუციშვილი მუნიციპალიტეტმა დააფინანსა.

ზოგადად, საქართველოში პოტენციალი დიდია, მაგრამ სპორტსმენებს შესაბამისი მომზადება და ხელშეწყობა აკლიათ. ეს სპორტი საქართველოში ვახტანგ მუსელიანმა შემოიტანა. ის ფანატურად შეყვარებულია ამ სპორტზე. 1988 წლიდან გამოჩნდა დიდ არენაზე და მოიხილა პერსპექტიული ბიჭები. მან იმდენი გააკეთა, რომ ამერიკაში საქართველოს დროებით გამოვიდა, შემდეგ წლების განმავლობაში საქართველოს ნაკრები მუდმივად წარმატებულად აღწევდა.

რაც შეეხება შეკითხვას, რამდენად პრესტიჟულია ოვლებში ჯანსაღი ცხოვრების წესი და სპორტის სხვადასხვა სახეობები, მინდა გითხრა, რომ ბავშვები ძირითადად უფროსს ადამიანებს უყურებენ და რა თქმა უნდა, მათი წარმატებები მოზარდებისთვის სტიმულია. ჩვენ წლების მანძილზე უამრავი ახალგაზრდა მოვყვით ქუჩას, მანვე ჩვევებს და სპორტში ჩავებით, კეთილ საქმეში ჩავერთიანდებით. თუცა, ისიც უნდა ითქვას, რომ ჩვენს სოფლებში ხალხი სპორტს მისდევს, მკლავჭიდი აინტერესებთ, ჭიდაობა აინტერესებთ და ჩვენც იმდენად ვართ განწყობილნი.

სამ თვეში მალაიზიაში უნდა გაიმართოს მსოფლიო ჩემპიონატი, რომელიც ძალიან რთული იქნება. ზაზა ემზადება, რომ ღირსეულად წარმოაჩინოს თავისი შესაძლებლობები. ვნახოთ, თუ რომელიმე სხვა დედოფლისწყაროელი მკლავჭიდი ნაკრებში კონკურენციას გაუძლებს და საკმარისად მომზადებული იქნება, შესაძლოა, ისიც გაემგზავროს ამ ჩემპიონატზე – ამბობს გელა ბექაური.

ზაზა კობაიძე: „შევიბრისთვის დიდი ხანი ვემზადებოდი. ეს იმ დონის ჩემპიონატია, რომ იქ წასასვლელად სპორტსმენი სათანადოდ უნდა იყოს მზად. ეს გამარჯვება პირველი რიგში გელა ბექაურის დამსახურებაა. მწვრთნელებმა მაქსიმალური გააკეთეს, რომ ჩვენთვის ესწავლებინათ და შედეგი გვეტოვებოდა. მაქსიმუმი ჩავდეთ სპორტსმენებშიც და კმაყოფილები და გახარებულნი დავბრუნდით. დიდი მადლობა მინდა ვუთხრა ყველას, ამ სიხარულისთვის. ჩვენი მეტოქეები, ყველა სპორტსმენი მაღალი დონის იყო. სულ ოთხი შეხვედრა ჩავატარე მარცხენა ხელით. პირ-



ველად პოლონელ სპორტსმენს შევხვდი, წარმატებით ჩავატარე ბრძოლა. მეორე და მესამე შეხვედრა აზერბაიჯანელ მკლავჭიდებთან მქონდა, იქაც მაქსიმუმი გავაკეთე და მოვიგე. ნახევარფინალში გერმანელ სპორტსმენს დაუპირისპირდი. მეორედ ვიყავი საზღვარგარეთ გასული და ეს შედეგიც რომ დავდე, კმაყოფილი ვარ. არ არის ადვილი ევროპის ჩემპიონატზე გამოუცდელმა სპორტსმენმა დიდი შედეგი აჩვენო. ხუთი წელია, ვვარჯიშობ. გელა ბექაურის მონადირებით დაწყებული მზადება. 4 წელია, კახეთის ჩემპიონი ვარ და საქართველოს ჩემპიონატზე საპრიზო ადგილები მაქვს მოპოვებული. საზღვრებს გარეთ ეს პირველი წარმატება იყო. ზემო ქედში არის დარბაზი და უმეტესად იქ ვვარჯიშობ. ამას გარდა, სახლშიც მაქვს გარემო მოწყობილი და აქტიურად ვემზადები. თავდაპირველად ჭიდაობაზე დავდიოდი, მაგრამ მერე რატომღაც ისე მოხდა, რომ მკლავჭიდე გადავერთე. ამჟამად მსოფლიო ჩემპიონატისთვის ვემზადები, რომელიც სამ თვეში

ჩატარდება. ვეცდები, ეს შედეგები გავაუმჯობესო და ჩემი ქვეყანა და მშობლები გაეახაროს.  
 ლადო ხუციშვილი: „მადლობა მინდა ვუთხრა დედოფლისწყაროს ხელმძღვანელობას, მათი დახმარებით შევძელი ბულგარეთში წასვლა. გასულ წელს ევროპის მსოფლიო ჩემპიონატზე 100%-ით დამჭირდა გამგზავრების სრულად დაფინანსება და მუნიციპალიტეტი ყოველთვის გვერდში გვიდგას. ჩემს გამოსვლას რაც შეეხება, არ ვარ კმაყოფილი ჩემი გამოსვლით. გასულ წელს ბაქოში ევროპის ჩემპიონატზე ვერცხლი და ბრინჯაო მოვიპოვე. ამჯერად კი ნონა შევიცვალე და 100 კილოგრამ წონით კატეგორიაში გადავედი. თავისთავად ასაკიც მოქმედებს, ასევე ტრავმები გვიმლის ხოლმე ხელს და ვნახოთ სამომავლოდ რა იქნება. ერთი სპორტსმენის შევიბრზე გასამგზავრებლად მომზადება დაახლოებით 3000 ლარამდე ჯდება, სპორტული კვებით და ა.შ.  
 ილია მარტყოფლიშვილი

**უ ლ ო ც ა ვ ე ნ !**

**გიორგი მარაბლიშვილი!** ცხოვრების მიზნად სიმაღლე გქონდეს და სიყვარული მომპოვოთ ვალად, სამშობლო შენი მარად გახსოვდეს თუ კი გსურს გახდე ადამიანად.

**ასათი ყოჩიაშვილი!** ჩვენო მეგობარო, ჩვენო კოლეგა, გილოცავთ დაბადების დღეს. სულ ასეთი მხნე და ენერგიული ყოფილიყავი. გისურვებთ ჯანმრთელობას, დიდხანს სიცოცხლეს, უფლის წყალობას.  
 ზამი მარხაბაძის ამბულატორიის თანამშრომელი.

**მარინა მახარაშვილი!** გილოცავთ შვილიშვილის - პატარა ნინის დაბადებას. ახალდაბადებულს ვუსურვებთ ჯანმრთელობას, მზეგრძელობას, ბედნიერ მომავალს.  
 დედოფლისწყაროს მხარეთმცოდნის მუზეუმის თანამშრომელი.

**ყურადღება!** ვაკეთებ სადღესასწაულო და საქორწინო მაკიაჟს მაღალ პროფესიულ დონეზე. მსურველები დაგვიკავშირდით: 558 511951

**იყიდება ბინა ქალაქ დედოფლისწყაროში** ერეკლე მეორის ქ. N14- ბელეტაყი, დიდი ეზოთი, დიდი ბოსტანი, ბოსტანში ჭა, თალარი.  
 ☎ 599 90 98 25

იყიდება ავტოს კაბიტაჟური ბინა ბელეტაყზე, 6 ოთახი აბანოთი და სამზარეულოთი, საცხოვრებელი ფართი 136კვმ, გარაჟით, სარდაფით, სამეურნეო ნაგებობებით, ბაღით, ტალავერით. საერთო ფართობი 1269 კვმ-ია. ფასი შეთანხმებით. მისამართი: 9 მის ქუჩა, III-ე შესახვევი N5. დარეკეთ: ☎ 577 22 32 19. იკითხეთ ლევან იაკობიშვილი.

**ქირავდება!** ქირავდება ორთახიანი ბინა თბილისში, ქავთარაძის ქუჩაზე, უნივერსიტეტის მალევი კორპუსთან ახლოს. გარემონტებული, კეთილმოწყობილი ავეჯით. არის სარეცხი მანქანა, მაცივარი, ინტერნეტი, ტელევიზორი. დანერჩილებითი ცნობებისთვის დამიკავშირდით. ☎ 555 54 33 31.

**ვეკვებ!** დაიკარგა აღმოსავლეთ-ევროპული ნაგაზი, (ჰგავს გერმანულ „ავტარკას“) არის დიდი, მავი ტანის მონაცრისფრო თავით და ფეხებით. უკეთია მონითალო საყელური შეტონით. ☎ 558 51 20 37, მპოვნელი დასაჩუქრდება.

**იყიდება!** იყიდება სახლი ქალაქ დედოფლისწყაროში თბილისის ქუჩაზე. ორ სართულიანი ავტოსის სახლი დიდი ეზოთი და ხეხილიანი ბაღით. ეზოში ჭა, თონე და მარანი ქვევრებით.ფასი შეთანხმებით.  
 ☎ 598 411 733.

იყიდება კერძო ბინა რუსთაველის ქუჩაზე, ქეთიკორის, ოთხ ოთახიანი, ნახევრად სარდაფით, სამზარეულოთი, კეთილმოწყობილი ეზოთი. დანერჩილებითი ცნობებისთვის დარეკეთ ☎ 577 38 04 74.

**ამინდი**

ორშაბათი 06.07 დღე ☀️ 26°	სამშაბათი 07.07 ღამე ☁️ 24°	ოთხშაბათი 08.07 დღე ☀️ 26°	პარასკევი 09.07 ღამე ☁️ 24°	სუთშაბათი 10.07 დღე ☀️ 25°	შაბათი 11.07 ღამე ☁️ 25°	კვირა 12.07 დღე ☀️ 26°	ღამე ☁️ 22°	ღამე ☁️ 27°	ღამე ☁️ 22°	ღამე ☁️ 26°	ღამე ☁️ 20°	ღამე ☁️ 21°	ღამე ☁️ 17°
------------------------------------	--------------------------------------	-------------------------------------	--------------------------------------	-------------------------------------	-----------------------------------	---------------------------------	-------------------	-------------------	-------------------	-------------------	-------------------	-------------------	-------------------

**დედოფლისწყარო**

გამომცემელი შპს „შირაპი“  
 დირექტორი ინგა შიოლაშვილი  
 რედაქტორი ნაირა გორაშვილი-პოპიაშვილი  
 წერილი მოყვანილ ფაქტებსა და ციფრებსე პასუხს აგებს ავტორი.

სარედაქციო კოლეგია: ლალი მისერიშვილი, ილია მარტყოფლიშვილი (ურნალისტი); ელზა ხარაშვილი (სტილისტ-მწვერი); ნათია გოსტაშვილი (ბუღალტერი); ნინო ჰანაშვილი (ოფის-მწვერი); მზია ქანდაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).  
 გაზეთი აიწყო და დაკაბდონდა „შირაპის“ კომპიუტერულ პაზაზე. ყოველკვირული გამოცემა იბეჭდება შ.პ.ს. „სამშობლოს“ სტამბაში.

რედაქციის მისამართი: ქალაქ დედოფლისწყარო, ფრონისის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.